

越縵堂詩初集


中

PL
2718
.J24
1931
v.2

JUN 5 - 2004

EAST ASIAN STUDIES

Digitized by the Internet Archive
in 2009 with funding from
Ontario Council of University Libraries



JUN 5 - 2001

EAST ASIAN STUDIES

越縵堂詩初集第五卷


清

會稽

李慈銘

志伯

白華絳拊閣詩戊

古今體九十四首

二月二十七日里中金龍四大王廟別諸從
兄弟北上廟祀宋人謝緒越人送別處也
以下己未

此廟何年始多勞管別離春陰森畫像淚雨黯靈
旗孤棹長河側征衫落照時可憐釣游地今日始
知悲

滿眼天涯路相看幾弟兄無多門戶事不盡去留
情病骨高堂念危時遠道行下舟頻掩淚望斷暮
雲橫

舟至霞川橋看月追寄諸弟二首

暮山回首入春城
墟市歸舟趁月明
老屋漸遮人影隔
卻嫌邨樹最無情

霞川十里畫樓新
擷笛誰家月似銀
聽得曲中春事好
忽驚身是遠游人

渡錢江作

漸江突兀眼中來
對此茫茫事可哀
吳樹遠隨滄海沒
越山晴放白雲開
烽煙此去非吾土
割據當年惜霸才
零亂落花飛絮地
東風肯勒馬頭回

臨平山下看桃花作

臨平山色修眉纖
臨平湖水開鏡奩
桃花十萬倚鏡笑
顰支亂點春人簾
花下客程幾千里
雀舫青

山行未已花開有約背流鶯花落無書寄雙鯉
魚風起故園思花落花開能幾時鴛央渡口春如
霧鸚鵡尖頭雨作絲平生枉數題詩跡看花到此
成愁絕風光縱解泥征人顏色何如在鄉國拂檻
縈帷作意親檣燕呢喃向誰說惆悵尋春日漸闌
天涯游子未知還斜陽過盡西冷路莫問花邊更
有山

上巳日行秀州道中得六絕句

客舫新添縠水痕征途心事不堪論桑畦未綠春
蔬長看盡桃花到石門

賽神簫管盡春聲小舸邨邨打鼓行最是雙橋人

影裏輕衫團扇度清明

是日
清明

三塔灣頭春水鮮客程芳草共緜緜流鶯嘯到茶
禪寺花影斜陽不計年

載道吳歛未忍聽語兒橋外麥青青浣紗人去春
無著越客來尋橋李亭

燕子來時柳作絲故園風物最堪思而今老作天
涯客露葉船頭插一枝

野店春旗晚未收人家多住水邊樓綠楊盡處城
如畫煙影疏疏泊秀州

舟行黃歇浦有作

征颿亦何爲送客入遙浦沙鷗溯歸風檣烏歇春
雨垂楊帶牛亭田家自掩戶江潮朝暮來春申在
何許估牽各西東相結就煙渚似聞林薄中濛濛

墮人語田事亦已繁何心獨行旅

夜泊黃渡看月有寄

練江春水明於染波心零亂桃花點錦帆破曉逐
人來夢裏尋君門尙掩重門側側春寒輕可堪孤
榜翦江行酒醒楊柳疎煙岸已是相違百里程月
波盪盪人何處日暮春衫黯芳樹多事吳淞早晚
潮送人不解將歸去歸路從教日更遙紅橋絃索
暮雲高玉窗對影愁吹燭鈿枕支鬟學倚簫起捲
湘簾遲海燕櫻桃花落可憐宵

礪城月夜偕友人散步

忽入蒼茫感江城萬瓦冥林霏結高岸橋影兀孤
亭荒柝低隨月疏檣遠帶星相看共羈旅望斷故

山青

周文之刺史

休潤

招看嚠城清涼寺牡丹設

譙花下歸後賦贈並幕中許太眉徵君

域

周君前宰是邑今復攝令云

客中不覺春光殘嚠城古寺看牡丹牡丹作花大
如斗風吹一丈高壓闌闌外花光百十步綺叢散
綵不知數曉色常暈千重霞夕香倒捲三里霧此
花託地數百年城郭殘破花依然尋常薄植難自
立兵火所至能矜全遂令亂後逞顏色頓覺旅况
生清妍風塵豈冀有此賞把酒一醉寧非天汝南
老令號強項十五年前作花長里社重來父老非
惟與此花相俯仰回首當筵賓客稀許詢垂老尙

相依我今幸預花裯末落魄天涯何日歸

晨至練江城外海王寺看牡丹漫成二絕

古瓦春陰倚女蘿
破扉蛛網罨塵多
謝家別夢何時醒
來問司花聾道婆

祠住道姑

琳宮曉鳥曙光寒
取次花頭睡未闌
折得一枝好風露
明朝安向鬢邊看

暮春重客滬上置酒紅橋感賦

海國錢刀日夜譁
一城斗大幻蟲沙
潢池出沒曾三載
花月滄桑又萬家
酒後錦袍添客淚
燈邊青鬢感年華
肆工異舞誰相賞
重聽吳娘訴琵琶

晚泊青浦牌樓浜登岸小步

苦竹蕭蕭鷓鴣鳴
孤邨月出少人行
破帆風裏天

涯客來聽他鄉田水聲

姑蘇道中雜詩七首

生長煙霞不厭貧故鄉巖壑秀無倫今朝塔影崑
山路一抹船頭看煞人

唯亭燈火近黃昏一夕江潮長舊痕睡起耳中滿
吳語綠楊煙曉泊胥門

夜夜金閨載酒游家家明月水邊樓畫船漸近簫
聲細小隊銀燈下虎邱

燭影銀鋪掩小門鬢香低唱泥金尊紅樓暮雨瀟
瀟裏直得離人一斷魂

豆綠櫻紅驟煖天時新節物上初筵故園祇是尋
常味客裏嘗來倍可憐

贈策常思孫子荆臨歧相左倍傷神江南好片吟

詩地山水清閒夢故人

瀕行時友人孫子九來送不得見比夜數夢見之君

嘗客吳中故云

馬頭零亂柳毵毵芳草游絲跡久淹我自送春春送我各留心事與江南

惠山紀游六絕句

孤塔銜惠山清暉別塵境春晚湖氣新晴浴九峯影

平橋控山口夾岸樹如束樹外片帆來點破橋陰綠

曲曲朱闌路春申澗繞亭竹根鳴細瀑幽絕無人聽

山下多清風昔賢不可起芳草叢祠陰颼颼落松
子

二泉結巖趺密藻一泓養潭色浮春空山靜游魚
響

巖屋開玲瓏時有攜家住山光林下人風鬟理茶
具

漪瀾堂遇雨步歸舟中作

竹外斜陽匿會陰墮檻前泉聲鄰夕磬雨色上茶
煙客賞暫難足故山思獨偏孤舟回望處白羽下
平田

夜登慧山頂看月

華月升練湖林輝忽已滿宛宛九龍峯明鬟出新

盟挈侶凌幽竇絕頂得地坦曲磴躡蘿澀盤石憩
苔煖拄策巖廳緣響屨栖禽散遠映楞伽山一白
不可斷坐久悟暝色萬籟息相伴旅游易爲奇言
歸迫宵短月落深林幽古寺照燈續

毘陵阻兵數日後聞賊退廣陵復決前進題

家書後

離家五旬餘飄搖孤舟客麥熟南風狂吹我晉陵
驛賊氛忽鳴張烽火照江北征帆盡皇皇遷延不
能發饑寒驅病夫走險亦何擇身瘠無代肥豺虎
當不食徒以高堂心進退未知決奮往分無覲卻
歸又失業昨夜江月好照我夢鄉國顏色雖暫慰
行止愧難說貧賤幻別離骨月如我迫城頭角聲

哀千里曙光白似聞廣陵濤金鼓漸將息大帥軍
政嚴行旅安枕席坐茲復奔走間道向京闕長年
促解維童僕喜動色偵倒欲言歸借端竟無術聊
寄平安書裁完淚填臆

風雨曉渡揚子江次前渡錢江詩韵

風煙如此渡江來春草王孫祇自哀吳楚波濤終
古壯金焦睥睨向人開危疆天險思良將亂世窮
途感廢材浩蕩一身何處著倚閭相望日千回

由潤州至廣陵途中書感

北府之兵天下雄蕪城仕女驕春風誰令蛾賊忽
變幻江南江北烽火紅十年轉戰事益急官軍屢
復賊屢得長江天塹連潢池直與黃巾作衽席嗟

予間道犯宵霧短後衣敝屢回顧倚船長嘯空爾
爲日暮風橫不得渡戰骨高過芙蓉樓戍旗明滅
鷓鴣洲誰何健兒各開府笳鼓對作聞中流清河
少年稍可喜飛燕威名躍然起南徐五載陷賊巢
一戰猶能畫江水江水連淮不可絕高駢惜非萬
人敵倘教擊楫眞英雄未必橫流果無術白面烏
鵲共弄兵花門一部更縱橫竹西楊柳荒雅路三
兩殘黎自築城

晚望邵伯陂社諸湖至露筋祠泊舟二首

霞邊湖氣白絲絲極目鷗鳬點遠漪忽憶故鄉千

頃水疎疎梅雨長官祠

予家後臨官瀆大湖北爲
大樹港有松楊長官祠

陂社湖光淡不收人煙起處暮楊愁客裏風懷清

起經堂詩集 卷五
似水露筋祠畔木蘭舟

寶應道中

亞軋驟車響碧疇

居人多驅驟旋桔槔灌田

淮山依約畫眉修

農經魚簿平生事煙水長應憶楚州

四月二十三日渡河次袁浦聞捻賊郊宿之

警二一首

驅車言渡河沙淺狹如帶伊昔號清口鑿絕南北
界淮流相表裏地險鞏徐沛自從元二交豐北忽
崩壞河流竟改道汴渠受其害朝廷竭金錢外繇
莫著畝棄地一千里反壤決愈大運道成絕流長
隄竟爲贅形勝既坐失全淮亦被累河徙古凡五
輾轉必南潰此決忽東走陵谷寓至戒淮楚正多

事恃河扼四塞一朝成軌涂舟楫竟何賴神州詎
陸沈后土弄狡獪平生利涉志來此發深喟安得
挽經瀆洗兵反眦々

我行抵逆旅道逢防河卒使者下軍符繹騷徧閭
邑喧傳齊魯交銅馬滿千百穀城當孔道壓壘勢
且岌警報接踵至仰救急旦夕此輩新市徒所惑
五斗術中原數千里蔓延徧赤籍亂世誰爲驅一
變盡劇賊芟夷豈能盡分別復難擇得毋天所厭
種族待剿絕羣聚厚之毒崇朝饜誅殛亦或有司
過剥喪致失業世運丁中衰亂資假驛突一發不
可制民氣遂以竭萬一斷淮右吭喉爲所扼粵寇
相連衡國事將無及我生復何營棄家赴微秩中

起終堂詩補集 卷二
途屢遭迴安危固難測事亟輕百憂身贅判一擲
上覬國家福下念老親食明朝脂我車攬轡氣無
懾

曉發桃源

僕人催夙駕頭面垢不沐泥店雞初鳴依稀辨平
陸沙輭塵未起煙霽樹難蓄漸覺馬首高陂陀入
林麓曙色川上來露光開茅屋客程亦何爲逶迤
自相屬眷念山居時幽夢正初熟長貧因得閒睡
味一家足有時亦早起空庭往來獨小樓著清暉
繡書映深竹胡然樂遠游蘆鞭苦相逐朝曦亦可
愛流光殊接目徑折見草長風痕偶然綠我家不
可望鄉思莽空曲

晨涉沂河經琅邪入山驛宿蒙陰青駝寺三

首

昨見穀城山今發沂河涘
褰帷竟揭涉波淺不沒
軌川光生馬腹微茫辨洲沚
人騎影相雜零亂度
煙水河干榆柳陰團團互迎峙
宵映晨霞明林暉
閱青紫對景聊自欣藉此滌塵滓

我經琅邪郡鬻鬻瞻重城
此邦盛文獻懷古耿難
平諸葛不可作賢相推茂弘
此老實陰譎史冊蒙
嘉聲典午昔東渡周戴皆國英
自量才不逮作賊
仗阿兄外挾虎狼重據位莫敢爭
夙憾既盡報賊
勢垂無成更假滅親義迫險方交兵
大桁懸逆首
詫爲門戶榮坐受天子拜
侈媿夷吾名豐碑紀故

起終堂詩補集 卷五
里千載傷我情

征轅苦輾轉漸入沙路仄礫礫大弁山石骨不可
轍敝隘強之前及寸卻又尺身輕付顛撲馬足鏤
山跡維時正歔蒸夾離赤日炙巖邑指蒙陰纒連
盡截嶙青駝尤礧礧神斧落巨劈地力注一卷奇
氣爭絕壁誰能傳煙翠疑是太古積石罅結危寺
山勢故不窄頽陽息僕痛五日宿荒驛

是日
重五

微雨過東蒙敖陽諸山二首

四山圍合翠重重來向顓臾問舊封蓑笠平生好
風調一鞭殘雨指東蒙

征途塋确幾時閒暫喜塵清一解顏馬首溼雲剛
過盡短鞍落日看敖山

羊流店謁羊太傅祠

我經太傅里瞻謁起遐慕名德猶在人輕裘仰風
度亂國識王衍平吳荐杜預豫窺君志荒先戒煩
聖慮後儒持苛議謂公作計誤曷不竟釋吳俾以
爲外懼此言誠謬悠公見蓋有素及身不早圖後
嗣必多故皓死更立君江南豈可覲侵尋及惠帝
堪此強敵樹八王旣內亂鄰國益肆侮公故早定
謀功成已身去悲嘆留峴山性情如欲語逮丁懷
愍衰藉地得東渡千古社稷臣如公洵難遇才識
與德量一身乃兼數太山公故鄉荒祠尙歌舞
居人方風景亦可懷魂魄儻來駐再拜登車行九
演劇原吾誰與

太安道中望嶽

岱宗比峻德瞻望肅高深元氣自天地清暉無古今
峯分齊魯望雲接海沂陰未有東封草徒爲梁父吟

平原十里鋪題壁二絕句

道出荒城馬去遲千秋人恨不同時年年徧地垂
楊綠多爲君侯作繡絲

國士今來莫更論孤寒乞食尙無門平生肝膽誰
能識不敢人前說感恩

留智廟題壁

齊魯蒼茫接翠微風沙和淚滿征衣疎楊馬首荒
邨近落日鴉聲過客稀自笑出山真小草誰憐將

母寄當歸平原入洛年差長羞說虛名滿帝畿

陸

衡入洛年二十九世傳二十四者攷之本傳蓋誤予今年三十一故云

河間二十里鋪題壁二首

征車遶遶入河間赤日長途未得閒禽語林深知
有店馬頭塵起遠疑山頗聞桴鼓連三輔漸覺屏
藩壯九關爲指故鄉何處是夕陽東際白雲還
三十勞勞一第難文章賣盡賸飢寒藏書寂寞千
秋事舊業艱辛八口餐未必貲郎眞辱國敢因虛
譽恥求官傷心南北瘡痍徧孟博徒聞攬轡看

行路難五首

有序

古樂府有行路難者皆言行行役之苦山水
險惡習俗變詐所以戒遠游重鄉里也未

有王道如砥川陸不驚而肺附之親操戈
其後言笑之頃飛沙集前戴面媚狐爭骨
瘦狗劍閣鉅嶺盡藏其凶峽難戟湍無踰
其舌進據猛虎退螫毒虺幾至棄莖骨于
中涂擠蓬植于重井草具之饌蹴甚乞人
菽水之金攫同駟盜如予今日之行者用
擬古詞以志所遇凡分吳門毘陵廣陵淮
陰薊門五章事各繫境語必徵實音叅今
悒貌殊古人誠禹鼎所不詳天問所未悉
轢牲之祭乃載夔臚齋斧之占取呷饗饗
因以窮交道之變補陌歌之遺隱其姓名
存乎忠厚比匪之吝用戒後人覆車之傷

冀諒君子云爾

我行抵吳門吳門一何高要離塚上生蓬蒿伯通
之廡魅所穴運期變姓安能逃館娃笙歌醉風月
羅襦雜坐人橫刀噫嘻乎一歌行路難養鷗成飛
梟金閶亭畔休繫舸太湖一勺翻波濤

我行抵毘陵毘陵路將絕州來季子不可尋斬蛟
少年益橫決燄燄燒城一寸舌歎歎潰原雙尾隄
危語中人銳戈鋌千年縞紵一朝裂噫嘻乎再歌
行路難同舟忽仇敵國山譌言大石立離合人心
幻穢蠶

我行抵廣陵大江浩而洶巨魚人立張丹艷變幻
陰陽在噓翥蜀岡一何長晴雨隔背項

叶

雷塘一

何幽熒燐舞芻餽臧陳義士地下游杯酒西風酌
孤塚噫嘻乎三歌行路難負心不旋踵虎俵前行
鬼車擁楓青月黑行人恐

我行抵淮陰洪澤何茫茫釜底鬻鬻隱城郭萬家
呼吸鄰鮫魴市中惡少不可當帶刀白日橫飛霜
王孫屏息伏跨下漂母荒墳空道旁噫嘻乎四歌
行路難蛩駘化豺狼黃河東徙生枯桑人生翻覆
安有常

我行抵薊門薊門不可越大行面前起突兀易水
悲風激華髮可憐刎頸交金盞禍機發十三小兒
豈解事奔走屠沽雜廝卒噫嘻乎五歌行路難盟
書載檣杙蕩蕩金門鬼通謁臺下麒麟泣枯骨

燕薊道中雜詠五首

曉日行蓀縣緣林屢駐驂孤城銜一塔風景似江

南

景州

漳水交流處風沙落日天槐陰富莊驛立馬聽鳴

蟬

交河

寶建眞英雄玉璽歸日角胡盧日夜流無人弔長

樂

叶獻縣

十六州終棄雄兒帶矢還猶傳十萬騎大捷瓦橋

關

雄縣

繞涿居無改桑陰日又斜尋常邨舍裏人道漢皇

家

涿州

良鄉道中望大房山

雲氣興陵尙鬱盤馬頭青見大房山金源文物凌
南宋一代雍容大定間

雄縣十二連橋旅次題壁

驅車出趙北宛宛層城阿人影亂低葦馬蹄澀晴
莎修隄界夕陽連橋匯微波涼翠無遠近隱隱聞
漁歌頽霞捲高柳驚風掠圓荷煙水亦未杳好懷
忽以多農事及茲間平疇交新禾俯仰慨流景田
園今如何

五月十七日入都作

軼蕩九門開皇居固壯哉塞形遼海控山勢太行
迴郡國今多事風塵我又來至尊方側席誰是濟
時才

京邸九日感懷四首

冷落風光九日天故園回首一潸然
愁心逐客三千里病骨名場二十年
自己酉應鄉舉今六度矣江國去帆連
遠水薊門獨鳥下寒煙遙知弟妹承歡暇應自登高望日邊

愁把黃花對客吟風塵淚眼罷登北湖樹
映寒流靜西嶺鐘催晚翠深未必文章資上第
自慚燈火負初心埋憂莫醉他鄉酒容易霜華兩鬢侵

幼從識字受親知十五年來手澤思

先君子於乙巳之秋見背

翻悔聰明辜厚望尙應漂泊念孤兒窮途敢謂傳
經誤晚遇終憐報國遲失計棄家營薄祿北堂白
髮負恩慈

飛騶結蓋滿神京遠地烽煙獨愴情貧賤猶爲知己重亂離莫道著書輕一官失業家無食十載憂時國厭兵市駿臺空屠狗散眞從今日悔浮名

哭王平子五首

一病西風涕淚枯間關筋力盡馳驅竟令潦倒中年死頓覺文章海內孤貧士豈能先作達他生眞欲悔爲儒更憐兩日明經選算是君恩慰向隅

副榜兩日卽死

別爾三年望眼穿長安相見鬢蒼然天街瘦馬同車出兩夜荒雞共被眠寂寞每商身後事清狂難得客中憐買山空有歸耕約留取西臯好墓田

君先

世多葬西臯山常欲卜隱自號西臯生云

病榻周旋得幾時相違三日卽長辭淒涼旅邸無

親僕綿惓中宵盼故知

予不見君僅三日君垂歿時望予甚至

元伯

有靈還入夢

君歿之夜夢君入地者再

審言臨沒尙稱詩傷心

遺篋無多物敝帚殷勤見護持

君歿前日猶手予詩不置歿後諸同

人檢君遺篋得予越縵堂日記數舟焉

早勛功名爲養親讀書無命各沈淪飢寒壯歲同

羈客兵大窮途哭故人一死獨爲千古痛九原難

贖百夫身男兒終爲生涯誤贏得飄零委路塵

草設靈牀薦素琴傭書猶有買棺金故山遠道魂

歸怯亂世高文鬼妬深八口艱難衣食計百年生

死弟兄心遺孤養炬今何許聞說風霜葛帔侵

酬潘紱庭丈

曾綬

四首

當代韋平望如公得幾人簪纓九州冠詞賦一家

新優老榮卿秩承顏有近臣

謂令子伯寅學士

似聞東閣

舊猶許吐車茵

冠蓋長安市江東一介來孤生餘涕淚多難閱蒿

萊世險還營祿途窮敢怨才白雲親舍在日日上

燕臺

舉足乾坤窄相知尙有公愛才緣國事折節見家

風笑貌心俱古文章老更工悠然民物念不效信

天翁

賃廡傭書暇秋深日閉關風聲偏傍客鄉夢不離

山境寂常供病時危忍愛間偕前客尺地談笑一

開顏

都城東偏浙人旅殯處酌平子匱

落日松楸破屋寒故人新鬼此盤桓烽煙遠道難
歸骨兄弟天涯一撫棺年少如君先委謝家貧有
母祝平安忌才真痛蒼蒼酷贏得文章後代看

燈下讀孟調詩

不謂斯人死高歌尙起予此才能幾見吾道定何
如五夜神魂接千秋想望虛飄零新楮墨知是必
傳書

贈陳德夫水部

驥

薊門三日風怒號馬頭落葉來如潮太行山色遠
無極舉首惟覺秋雲高短鞭款段長安市眼底飛
騰見陳子一言真可千金輕握手便爲百年始終

年兀兀常苦吟讀書所至忘升沈微官坐爲國家
贅高歌誰識屠沽心君家閥閱重京邑尙書憂國
早頭白本兵一身繫九州盜賊縱橫竭籌策君今
羣從盡才俊朝廷急才各思奮天生世家要有用
故令饑餓等寒畯慈也落拓困世儒罪言欲上豪
強狙痛飲一旦識驚坐感君意氣真吾徒六街咽
闐轉華轂平頭豪奴日馳逐豈惟文字有深契自
是風塵樂幽獨吳兒覆額青絲長銀鐙夜月春醅
香偶然買醉亦快意順郎一曲能斷腸回首干戈
滿淮甸遠道思親淚如霰人生有田足歸養寧使
躬耕困箕斂我家老屋鑑湖濱避寇君曾暫結鄰
莫忘谿山佳處去白雲早作耦耕人

君于丁巳秋
侍其尊人避

寇至越居一月去今甚
憶其山水有結鄰約云

柯山紅樹行寄柯山故人沈瘦生 有序

旅中閱孟調遺集有洛川道中詩云好似
故人團扇畫祇疑歸夢到柯山自注越縵
子嘗有柯山紅樹畫扇云云展念逝者益
增歸思爰演長歌寄沈瘦生瘦生故居柯
山也

故人家在柯山曲門外谿流轉寒綠板橋一抹長
林西盡日煙霞看不足山深幾日生秋風樹色畫
作臙脂紅斜陽隔山暄金碧畫屏慘淡開天工平
昔看山愛秋晏寫入吳紈白團扇畫中佳賞誰最
同濁酒扁舟載王翰尋君遙指松扉開破帽風前

笑相見第五橋邊詩思多林陰席地共婆娑年年
好景常如此放眼湖山一辭歌遠水遙山入秋暮
多少征途此中去漁舍多依薜荔灣估船偏問鴛
央渡

皆柯山地名

王郎去客嵩汝間余亦勞勞別故山

江路雁來知有夢白雲秋盡幾時還燕雲越樹動
成憶把臂王郎忽長別黃沙落葉滿長安寒日蕭
蕭素車出著屐平生定幾回遺詩讀罷更堪哀分
明洛水疲驢道曾得家山一面來遙憐瘦沈依山
住紅到山中幾千樹已是題詩失酒徒扇底風光
更何處何日僧廬返病身綠蘿禪榻結比鄰西頭
更觸浮生動滿目山陽笛裏人

甲寅春蕭山陳荃譜勸予攝靜山中

因偕三舍弟養病柯山之蘿菴孟調自姚江寄詩有蘿菴詩人病不死云云今既悼陳子復痛王生

而弟墓草亦三宿矣
存歿之感茲然系之

七月間得凡公寄詩今三月矣燈下展開走

筆酬之

易水寒生早雁哀故山靈澈附書來茶香經卷燈
前轉佛影瓶花磬裏開別你半年江路闊懷人千
里髩毛催林泉行腳應加健破衲寒天尙募梅公

新築募
梅精舍

送友人試令吳中

財賦東南數十城三吳根本繫蒼生轉租自昔高
天下增餉頻年宿重兵未必農桑支國用須知牧
令近民情忙謠今下盈廷議勉體艱難答聖明

今指

年二月間古吳
老農揭帖事

越縵堂詩初集第五卷

南通馮

雄翰飛校

越縵堂詩初集第六卷

清 會稽 李慈銘 悉伯

白華絳紉閣詩已

古今體一百四首

送周生之官閩中即便道旋里

至尊宵旰憂蒼生特詔輸粟充邊征權時變策濟
國用不欲科第窮功名丈夫讀書不得意破家獻
金爲國計微賤有地足自效遑恤貲郎衆所棄生
也嗜學喜討論十年兄事情彌敦窮居才力惜坐
耗低頭諧價鴻都門大河南北江左右屹屹堅城
百無有閩畱新創猶可爲君望瘴山負弩走今年
同上黃金臺伏見雙闕高崔嵬退談時務輒噤口
酒徒四散驪歌催馬首一尊送君去海國天寒隔

蠻霧輪蹄踏盡十月冰斗際觚棱定回顧甌甯宿
號風俗淳近來獐鬼何縱橫南劍數州次收復戶
口瘡痍猶未平海外荷蘭戰爭地夷琛蠻賄不可
計朝廷德化馴諸藩要待清強鎮文吏願君勉樹
循良聲廉勤所至無近名棠陰治譜有家學進身
豈得他途輕聖世待人破資格草植麒麟乏驅策
莫因寒餓重一官肯爲時宜貶儒術此別殷勤萬
里身故鄉歲暮少歸人一家風雪柴門閉藉汝平
安報老親

寒夜讀家書

朔風入寒夜嚴霜積庭墀仲氏有書至慘淒不成
辭上言我母老羹粥難支持下言兒女穉天寒嘯

朝饑弟妹復多病藥餌無人施債券盈一尺催租
日凌欺近割渦陽田倉黃救燃眉哽咽未終讀摧
惻傷心脾我家號素族一頃先疇遺詩書與菽水
事事恆仰斯勤儉承世業安貧重別離予也涉浮
慕忽有仕宦思違親事結束貿然來京師微官格
吏議苛求及銖鎰一試又被蹶垂首不敢嘶寄食
乏友誼尸饔累親慈朝廷廣輪納階級充優廝謁
選數萬人捧檄無所之予本專愚流動靜違時宜
生產嬾不理壯歲猶兒嬉見人輒訥訥詔笑違所
知薄植昧自諒途窮亂百爲此舉誠職咎此志良
可悲三十不成名俯仰無餘貲變策思自展奮身
效明時覲幸或一得稍可營烏私間關走異國回

望常涕洟今夜故園月冷光薄庭幃一家盡寒色
圍坐計歸期所禱皇天仁薄祐酬深危三世沒未
葬存者日以衰但遂粟布早不希茵鼎遲科第身
外事遑敢怨數奇願弟勉承歡苦志儻不違詩成
指斗柄漸漸橫南箕下有我鄉邑吾廬斷晨炊

至日後夜坐盼家書作此寄弟妹

嚴霜夜館罷高歌悵望音書日幾過燈影茫茫鄉
夢遠市聲浩浩客愁多帝城花月猶閒甚故里桑
麻奈盡何卒歲無衣還寄遠不堪游子更蹉跎

冬夜懷望秦山人孫子

夢爾窮居髣髴髮皤興公才思老無多天寒鴻雁迴
燕市日暮黿鼉走瀾河用世本懷應不忝買山生

計近如何遂初莫更妻孥累猿鶴年年怨薜蘿君久

欲卜居秦望山下數年未遂故以要之

暮冬夜坐用凡公送別詩韵即寄凡公鑑湖

三首

寒夜齋鐘散講經虛堂佛火淡于星竹林風折泉冰裂獨向蒲團雪裏聽

行脚湖南溯我遊空林黃葉幾曾留蘿菴客去秋

山閉老衲寒雲各自愁予居蘿菴時自號黃葉院病頭陀以菴有此院也

筇屐雲門一往深辨才塔畔舊題襟相期流水孤

松裏一卷楞嚴靜夜心居鄉時數與凡公及社中諸子遊雲門化山予嘗借

傳燈寺藏經臨行時以屬凡公還之

除夕京邸守歲次厲樊榭南湖草堂除夕詩

韵同黃占薌

體立

陳珊士

壽祺

兩比部楊

子恂舍人

仲愉

周叔雲編修作

傳箭中原戎鼓譁歲氛猶未靖龍蛇卅年貧賤初
爲客一飯難難怕憶家忽漫旂中驚爆竹不堪愁
裏送年華相憐此夕同無謂禁陌恩恩已曙雅

除夕述家居瑣事再次前韵

田園伏臘避塵譁身世年年笑蟄蛇矮燭杯盤慈
母饌小門風雪埜人家舊逋裁券供詩草破甕時
梅紀歲華誰遣今宵成獨憶鳳城東畔聽唳雅

又懷柯山舊讀書處三疊前韵

夾澗寒林寂不譁緣巖細徑轉修蛇曉煙竹氣含
深寺晴雪湖光散萬家一別梅開山上路半年霜

入髻邊華夜深歸夢書樓側凍柳疏疏帶宿鴉

人日發家書題後 以下庚申

藉此平安慰倚閭封題鄭重兩行餘客心故國三
千里人日今年第一書卒歲艱難差已過高堂眠
食近何如郵筒莫再遲遲答須念天涯怨索居

家書封後函背又批二十八字

書到應將二月時復書已及暮春期柯山桃李南
湖柳春事皆須報我知

正月十一日家慈生辰招同翁已蘭戶部

璫

子恂卣薌夜飲有作

畫扇屏開翠袖風禁衢初月上簾櫳星檐茶語輕
寒外雪幃梅花淺醉中春事尊前剛旖旎客懷笛

裏各惺忪團樂爲想家園宴花勝圍燈點小紅

越中燈詞十首庚申客都中作

家居何事答豐年客裏思來總惘然第一春宵好
風月山川金碧試燈天

太守廟前春鼓鳴東灘西灘春水生東西相約看
燈去郎來夜夜接儂行

路家莊畔好歌臺十萬春花燭裏開月下新妝齊
出看前邨報舞火龍來

陶堰年年燈市新百家廟裏共嬉春星星漸亂歌
塵歇燈火家家扶醉人

東關十里逐笙歌百歲魚龍燭隊多照出隔江明
月好估燈千百下曹娥

早晚城西逐隊行連旬社戲最關情朝朝迎面不相識儂進城來郎出城

三山石堰路相連小隊燈球共賽年爲讖山名不成對年年燈樣愛團圓

柳姑廟前月初圓湖雙燈節少人間湖西少婦獨閉戶郎去湖東今未還

阿儂家裏社筵開姊妹連朝催我回郎今正月少田事儂去看燈十日來

風景承平最可思村巫沿路說燈詞但祝年年永團聚大家歡喜過燈時

二月望日大雪後月夜賦示同好並約游西

山

起餘堂詩集卷一
微月生樹間還照階下雪延素綏已盈流采自爲
接檐欹光若傾庭坳色愈積虛堂窅以明人影淡
相卽浩景懸樹杪遠意不可說取適非自遐索妙
豈翳跡塵羈苦囂煩茲賞瞬無失夙戒西山游瑤
夢破煙碧行結芒屨侶踏冰採松屑荒寒乃成奇
幽討或有得卽境忘時暄寄悟惟一潔天涯耿無
寐瑩然悚心魄何當思故園牆陰杏花白

聞清江浦之警戒賦

聞失袁江戎倉皇未集兵風腥淮浦樹月黯楚州
營此地關南北諸君決死生國家根本計不獨爲
私情

聞故園近日消息傷亂憂家雜成五首

百戰桃州地烽煙亦僅存軍聲桐汭亂殺氣隔湖
昏遂失三吳險空傳萬騎屯專征周奉叔薄議尙
君恩

大府傳飛檄鄉關乍被兵愁雲盤故障妖彗埽長
城戎馬鶯花地江湖戰伐聲越山東望近莫使鼓
鼙驚

賊絕姚江耗誰詳倡亂因赤丸斫文吏白棒聚州
民世變無完土家危有老親誰令輕遠役日夕淚
沾巾

未奏清淮捷天涯阻賊烽雪深三月暮路絕一身
窮國事嗟何及家書杳莫通何時能奉母避地亂
山中

細弱全家累辛勤仰母慈夢中憐病弟亂裏念孤
兒多難驚心慣窮居得信遲側身無處所流涕太
平時

庚申清明

時杭州新破

故國烽煙急聞言日幾驚窮途逢喪亂異地又清
明望裏家何在愁中草未生病驅思殺賊不是爲
功名

夜夢僧兒二首

昨宵歸夢裏見我寂嬌兒

用義山句

識面驚唬久牽衣

索抱遲瘦憐經亂後貧誤授書時稍得飢寒救零
丁忍爾離

墮地鮮民憾兒生太可憐誰爲郗鑒愛空慕鄧攸

賢撫育原親命文章儻爾傳衰宗期此寶追慟過
庭年

閏三月六日招同呂庭芷耀斗周叔雲兩編

修楊豫庭太守叔懌子恂舍人兄弟周雪

甌庶常陳珊士黃占薌兩比部慈仁寺賞
花以雜花生樹羣鶯亂飛八字分韵賦詩

得亂字

閏春撰嘉辰命儔戒清旦輕塵導城西古寺結林
斷入門松翠明花光忽相亂薄煙媚鮮素微陰襯
深絢地偏遂所植候遲極茲翫衆香閔疎鐘重葩
罨層幔雲色呈優曇得非妙髮見寺供窯變
觀音像飯熟

趁鵲齋梵沈轉鶯讚客賞易爲盈塵營且多絆撫

此暫時豫更積彌襟歎傾尊迫濛汜停驂借分散
眷言重晤期逝恐景光換遄歸紀歡游餘芳逐迷
漫

悲丹楊

黑雲壓營如壞牆健兒十萬走且僵大帥鼓暗江
水驚總統一騎來丹楊總統雕青好身手百戰崎
嶇虎狼口朝收九洑洲夕克江浦城捷書日報烽
火清廟賞未行賊圍急齧血裹裙催援兵可憐築
屯一百里釜底游魂竟颺起偏師擣背忘扼衝入
載長城一朝圯溧陽戍句容屯尤來大槍萬騎奔
人號鬼哭江天昏總統集衆衆不軍扶創奮呼挺
矛出帳下親兵不盈百賊血漬槩槩不開礮火一

聲天地裂一卒還報將軍亡大帥仰天刎道旁鳴
呼君不見凌亭岡埭古戰場它年廟食睢陽張

悲吳門

金閶門外千萬家樓臺十里堆紅霞忽然嚴檄下
坊市煙花一炬成泥沙可憐深源八洲督唾棄三
吳不容宿銀刀牙隊縱橫驅鞭梢所指萬人哭姑
蘇臺高無一兵中丞傳箭急閉城花門四出斫城
闔兵耶賊耶誰主名怪鳥譊譊夜未集四海菁華
火中畢廂團迸散商民逃早見紅巾滿牆立嗚呼
何郎之肉食豈勝吳人莫怨徐中丞

庚申八月感事四首

海國蟲沙忽刺天妖氛直射五雲邊萬金緹庫方

懸賞一騎皮冠竟執鞭下殿已符南斗識

時熒惑入南斗

行圍重語北征年累朝神武聲靈在誰繼車攻六

月篇

名王鐵騎鎮沽中太息藩籬指顧空孤注何曾謀

寇準籲留幾見見約陳東絕憐滄海橫流速尙想神

京拱衛雄東望翠華應下淚昭陵松柏起西風上

初八日東狩次日
爲文皇帝忌日

五朝神籙翼皇州縱火連宵燭九幽法物盡隨羣

盜去仙山眞見萬靈愁不須華髮摩銅狄空使孤

魂泣水囚

內大臣文
豐投水死

羯燄滔天古無此憑誰海上

搏長虬

臥病危城日百驚劇憐身死太無名焦頭詎解中

朝禍泣血徒傷下士情九廟鑒觀應不遠諸君功
罪豈難明上方有劍無人請慚愧平陵折角生

贈呂定子編修

毘陵呂君夙好事異書畸客日招致十年柱下老
不遷退食皇皇治文字去年持節秦中回來袋壤
瑋無凡才召對頗聞至尊許狂言屢得公卿猜一
朝車轍到窮巷談塵乍交覺神王齊年投分惟尹

洙

謂尹侍
御耕雲

峯距孤橫足相抗漆室坐憂時事非可

憐立仗難呈奇著書相示輒憤絕往往酒案翻淋
漓東南三月賊大聚浙西七郡半焦土君家晉陵
當賊衝枕戈夜夜泣如雨中原豕駭無英雄島夷
忽瞰明光宮翠華倉皇下殿走驪山十日煙塵紅

圍城昨得君家信弟死行間姊飲刃罵賊爭傳女
嬖烈同仇竟見趙禮殉試看節義在一門故家能
使朝廷尊平生力學本忠孝文章豈足酬深恩輦
下風塵暫清宴老父南中幸無恙亂離間道營板
輿所覲晨昏慰羈宦慈也有母東海隅干戈半載
無音書願得明年花發日同作長安反哺鳥

朝鮮鄭謙齋山水畫幅爲潘伯寅大理

祖蔭

題

三韓文物稱靈奇錦江白嶽相縈迤文章之美數
金朴鄭君畫筆尤淋漓米顛倪迂走腕底能于蒼
渾生妍姿雞林黃葉鵠嶺樹煙雲不屑收凡資當
年薄海正清晏屢見奉使來京師公卿招致盛文

讌姓名頗受天王知
丸都山下老歸臥
畫圖供養登期頤
天風海鶴倏已渺
神物在在猶護持
熒陽學士癖嗜古
風流翰墨照四夷
尺縑鄭重遠人物
玉堂召直恆相隨
承平故事洵堪羨
唱酬再繼蘇齋詩
翁覃谿蘇齋集有題鄭謙齋畫孤山亭子詩
遙知海外迎賓館
處處題君黑水碑

爲吳碩卿工部

景萱

題潘星齋侍郎仿范寬

釣雪圖三絕句

點墨單縑思渺然
難憑去雁問吳天
銷魂更寫江南景
煙水零星見釣船

寥寥松火旅窗青
夢裏荒蘆帶遠汀
知否山陰今夜雪
燈前補網有人聽

鑄錯年前典鏡湖漁莊十戶已全輸
煙波長物都何在更欲從君乞畫圖

亡弟忌日感賦

慟絕三年訣別時天涯涕淚更誰知
几前宛宛孤兒拜地下嬛嬛病婦隨
兵火并難通夢覲死生同是負恩私
傷心一盃藜羨祭卒歲艱辛仰母慈

庚申生日書感

卅載依依膝下身無端窮海作羈民
草間著述中年事歲末飢寒攬揆辰
天地何心生棄物國家誰信待斯人
遙知今夜高堂夢白髮思兒一倍新

是日陳德夫冒雪過慰更賦一詩

勞君風雪款寒關相慰窮途制淚潛
幾許年華供

作達無多親戚望生還百篇罪草籌平寇一枕風

松夢買山同是古人稱老日且持歲酒駐衰顏

德夫

長予
二歲

庚申歲除日次東坡岐下歲暮思歸不可得

爲饋歲別歲守歲三詩寄子由韵三首

家居少還往禦冬乏相佐嫺戚洵有情饋歲辦微

貨裏山紫筍脆老蕩青魚大

越中呼山深者爲裏
山筍以裏山爲佳養

魚之湖曰蕩有一二
年不打魚者爲老蕩

我母拮据籌朝起夜忘臥鄉

風尚資糴

越俗卒歲以角黍米糕相問遺

羅列滿四座僕婢俱忻

忻米麥勤蒸磨施報詎云煩歲事忙裏過胡然客

天涯孤懷孰予和

饋歲

童時屢逃塾卒歲常恨遲可憐一瞬忽此樂那能

追成丁游憂患漸知生有涯孤兒依寡母風雪天
寒時姊妹讓飢飽兄弟揣瘦肥聊計讀書功上釋
高堂悲柰何兩載來輕與膝下辭願促游子算續
我親年衰別歲

四海久苦戰百六爭龍蛇東南積劇賊列障無周
遮我家雖僅保憂危知如何柴門爆竹聲烽礮相
驚譁嬌兒伏母膝畏聞戍鼓過一身阻京國仰望
南斗斜事畜兩慙悚出處千蹉跎明年得歸養功
名安足誇守歲

始見白髮慨然成詠

以下辛酉

三十衰如此飄蕭見鬢絲虛生多事日難贖少年
時出處終何倚飢寒豈久持孤身千里外幸未老

親知

潘星齋侍郎

曾瑩

見示近作曉游天王寺及

晚坐慈仁寺見山閣詩因念甲寅之春養
疴柯山蘿菴朝夕景狀追賦二詩卽用侍

郎韵并索珊士和之二首

曉起尋宿雨荀鞵響幽麓棲禽半已起林端就新
旭入林路若暝煙重首如沐轉徑忽已明晨光在
叢竹鐘聲自何來因風出深綠松屑無人收時時
墮谿谿淥竭與山靈違塵煩爲誰束登高望故鄉天
遠樹如粟

晚歸投僧居芳蘚知我迹松扉掩深林暮雲倏已
積一磬繞廊去衆響共清滅龕燈納山影暝翠去

檐尺經帷聞茶香靜與花氣隔竹樹交廣庭山月
爲刻畫永言別茲景遠夢墮寒碧獨客數歸鴉何
時返山夕

春晚寄懷弟妹

故園弟妹憶燈前照髻緇塵一黯然鄉夢醉中常
萬里病懷客裏又三年亂書燕污花陰榻破竈茶
香穀雨天領取貧家風景好長安回首倍相憐

少司空潘星齋先生予告賦贈二首

家世三公甲第高星辰平步接雲霄清名裴馬留
南省

公貳吏部最久

素業韋平重本朝密勿常時傳讜議

退閒結習尙風騷鰓生得廁鄒枚列咫尺龍門未
覺遙

翠華猶爲吐蕃行三輔倉黃漸被兵憂國一身先
老病搜材十載急澄清同舟誰共匡時策去位難
勝戀主情雅俗卽今資坐鎮願公強起爲蒼生

寄內二首

蠶室田居分隱淪三年誰遣事風塵亂離莫更傷
羈客寒餓多煩慰老親可使士安終失學

謂僧慧

漫

疑孺仲未安貧與君生小爲兄弟法喜維摩本宿

因

姑母馬孺人生內子後卽病
歿子與內子幼皆育於祖母

絳趺閣上焚修地齋版經帷大母傳廿載米鹽貧

裏淚一家燈火佛前緣

大母建絳州閣供大士像
臨歿以閣屬內子焉家慈

及內子皆未三十
卽長齋奉佛

客居久懺閒情賦鄉夢常依淨室

天記取白頭山水裏打鐘掃地補當年

星齋侍郎以所畫山水小冊十二幅索題爲
各系一絕句

荒林卽遠疇山寒自爲潔日暮誰獨行蕭寥佇風
雪

秋水生遠汀微茫著煙樹扁舟無往還只在天空
處

十里柯山路蕭蕭紅樹林別來秋幾許滿目故人

心

畫作遠山紅樹小景予最愛故鄉柯山紅
樹嘗屬亡友任熊渭長繪圖孟調題詩

絕壁青萬重下撫高樹頂落日臨晴江空翠見人
影

浦樹蒸溼陰嵐翠忽復積柴門猶未扃山氣黯將
夕

歸路沿漁滬江邨月色新依依渡傍柳相識刺船人

重嶂罨斜谿夏木晝常暝屋背飛泉聲高眠熟爲聽

高樓結山阿溼雲漲林莽莫補切窗開風四來跂腳

看飛雨

人家占幽處相望柵陰中只隔東西崦雲深路不通

畫到工官瀆蘆漪帶釣舫秋容收不盡求日上空

亭予居宅後爲官瀆卽越絕書所謂工官瀆平湖百餘頃瀆口有菴絕似畫境云

著書對山光水際結林屋鷗飛不見人盡日風簾

綠

畫境入渾茫高懷不可寫竹杖映吳裝理詠秋林
下

和珊士送春詩心字韵

異國春歸客感深烽煙滿目罷登臨茂宏到處能
胡語莊舄無人和越吟四海倉黃留此日十年閒
散負初心草驢禿尾天街側吹笛纖兒莫見侵

春茸雨中有憶二首

花底重門路櫻桃又餞春麝巾心上事蟬鬢眼前
人獨客難爲別他生祇懺貧朝來羞對鏡華髮更
傷神

病枕支頤際猶懷夢裏雲簾陰明燭淚雨色淡爐
熏鏤玉雙鉤扇眞珠百琲文團欒將密意青鳥爲

殷勤

時以詩
扇寄之

星翁爲予繪湖塘邨居圖并用曉游天王寺

韻題詩見贈疊韻奉謝

結念棲隱鄉環流面寒麓凌晨理幽榜人語出清
旭羣鬟互溼翠臨谿各爲沐釣竿帶煙蘿茶臼答
風竹卷簾交清暉書帙映人綠煩公營粉本茅堂
啓湖淥畫圖幸取辦魚鳥先約束相期采金英鹿
蹊踏松粟

青田湖競渡詞十六首

有序

辛酉歲客居京邸初夏積病追念三十年
來里居競渡之樂不已於懷越人勤苦罕
事游觀獨以四月六日青田湖上爲殿春

之嬉予居霞川又與湖北景物前後閱歷
爲多故泚筆所及凡士女豐容之觀邨亭
殷墳之象俱可極太平於一覽通羈思於
羣動而風俗所尚道里所名亦多摭入使
後之志越事者有所攷見而國家復古輶
軒隲詩之制亦足以備采風云爾

青田湖上相公祠

祠祀黃衣疫神俗呼黃老相公始於明代見萬歷志

四月

嬉春未算遲二百年來人事少太平長日賽神時
今年風景勝前年半月先期約畫船湖水湖風三
百頃家家修笛夜樓前

道出霞頭直郭西昌安門外又常禧周迴十里鄉
邨路時見桑陰出彩旗

虹橋三里小紅樓樓下人家早
艤舟釧影隔窗燈
未滅曉星簾幙各梳頭

霞川一曲煖風初
畫漿聯銜逐隊魚
羅綺中央花
兩岸不容煙水一分疏

金碧樓臺緩隊來
錦衣細樂共徘徊
前頭忽擲春
星鼓更看魚龍舞一回

花叢來往各西東
女伴同舟語笑濃
剛是與郎迎
面過轉灣橋畔又相逢

萬人歌吹綠陰天
酒戶茶檣處處連
誰坐水邊涼
閣子畫羅扇底看游船

白馬絲韁年少郎
褰簾紅袖內家妝
會龍橋接火
萊驛柳影波香各一行

旌饒百沸集祠前
罨畫山光共轉旋
茶火龍舟三百隻
一齊飛舞鏡中天

誰家雀舫擅玲瓏
翠管銀鬢別樣工
獨揀綠楊閒處泊
午陰低貼玉釵風

堰南堰北逐行雲
陌上衣香勝草薰
難得夕陽偏解事
盡烘湖翠上羅裙

采棚忽斷見桑麻
少婦紅裙獨在家
爲念插秧時節近
青山影裏聽田車

星火高城上漏遲
游人漸散夜闌時
一鉤纖月鐘山寺
過盡燈船總不知

舞臺對起五雲高
永樂橋連菜市橋
風露漸深歌漸細
夜涼分占兩枝簫

三載飄零滯玉京今朝回首不勝情遙知花底鉤
簾路多憶當年側帽生

漢大司農鄭君像爲崑山張緯餘明經

星鑑

題二首

獨紹岷山業遺經日再中道高全亂世名重懾羣
雄聖證嗤王肅師資惜馬融龍蛇哲人夢還與尊
楹同

宋學蠲唐會經蕪五百年緯書原小累性理豈真
傳復古逢昭代追崇議近賢

自康熙中復文廟崇祀後近儒孫氏星衍

請官其子孫世襲五經博士洪氏亮吉請用其禮記注取士

肅瞻遺像在願執

後車鞭

夏日午夢坐絳拊閣下賦詩得簷花一尺黃

梅雨之句醒足成一絕

簷花一尺黃梅雨夢到山陰五月初燕子日長人不
至簾垂茶熟臥看書

偶出見都人小兒女繭人艾虎族戴滿頭始
覺明日端陽矣感賦一絕

女兒節裏在天涯時樣釵符出內家節物誰爲孤
客供白團扇上寫榴花

叔雲爲予畫湖南山桃花小景題一絕句

當年同賦尋春句幾度谿頭放釣舸山氣花香無
著處今朝來向畫中聽

夏夜聽雨書感二首

方牀涼意稱疎衾夜靜都無薄暑侵風際樹聲鄉

思亂雨中燈影客窗深才疎詎合投時用身健差
堪慰母心都下出師還未已祇將孤憤寄長吟

半載天涯斷雁書故鄉烽火竟何如一身涕泣終
何補入口蒼黃未定居作客難求仁祖食攜家誰
借范丹車薊雲南去應無盡長爲平安報倚閭

題家書後二首

消息初無定全家寄海隅烽烟三歲別涕淚十行
書絕域飢寒裏孤生患難餘何時重聚首貧賤樂
窮居

有母持家苦晨昏念遠行親朋誰過問寇盜漸縱
橫近郭居應徙還鄉夢屢驚間關逢去雁莫更阻
郵程

常州楊廷臚孝廉

傳第

以殉母死大梁作詩

弔之

一死從容萬口傳麻衣殺賊誓重泉威豪殉母應

非匹伯道無兒欲問天

君無子亦無兄弟

君已拔心無復

悔我今齧指更堪憐文章慙負前期在交臂千秋

失此賢

庚申春君入都見予詩來訪不值予未及答遂去

病中聞賊陷紹興

被髮何人叫九閭鵠留嘯處哭聲吞殺身豈足紓

家禍嚼舌憑誰報國恩張猛忽驚人吏敵

時署知府廖宗

元以郡人疑其通賊先聚毆死

王郎徒有鬼兵存

郡人王副都督團練所任皆匪

人執戈竟負鄰童約天末餘生欲斷魂

辛酉生日作

又是懸弧日偷存尙異鄉祇今惟痛哭何以慰高
堂亂世生原贅中年苦備嘗親恩憑寸草未可問
蒼茫

除夕同德夫子恂珊士叔雲守歲

慘慘雞聲接大荒南箕天際辨微茫三年作客經
千劫八口偷生各一方夢裏音書增惆幻旅中眠
食寄猖狂窮途戚友愁相對燭影天涯淚數行

越縵堂詩初集第六卷

南通馮

雄翰飛校

越縵堂詩初集第七卷

清 會稽 李慈銘 悉伯

白華絳拊閣詩庚 古今體八十四首

壬戌元日 以下壬戌

萬國瞻新政垂衣二后賢病看元歲曆夢想中興
年哀痛求言切 是日兩宮下卹民 憂危命相專 是日
拜會帥 鄉邦勞聖慮稽首戴皇天 為協揆

壬戌人日作

烽火倉皇裏恩恩過立春 前一日 全家皆陷賊今

日尚為人生死俱難遂傳聞總未真東風將客淚
萬里達慈親

紀夢還詩 鮑明遠有夢還詩今用其語

夢中田里尙分明骨肉團欒話別程
母子初逢忘問訊弟兄相看異本生
乍醒還喜歸來速稍定方知事可驚
鼓角五更天萬里披衣起坐淚縱橫

珊士自滬上奉母浮海入都始得家信知老
親入口避地柯山

書到猶疑夢風前忍淚看入山完眷屬報國誓飢
寒里巷都成燼松楸尙未殘羨君能奉母辛苦獨
承歡

潘伯寅炎卿屬題小像爲賦長歌

走也四載客京邑短筇不到公卿門
光祿清流世眉目獨念僵臥時相存
早年文彩動天下性分夙契忘寒暄
握手數人足隱蔽神明霞舉何軒軒
詞

林故事止香茗雖容馴足登台垣況君盛年比崔
湜天子私人侍西園咸豐季年國事亟共鉉得政
刑獄繇百司汗縮奉教令四夷抵釁窺畿藩僉王
決策下殿走六龍已駕誰扳援君當車轍讀彈事
請斬二豎竿其元朱游未得上方劍楚瑋已出騶
虞幡退焚諫草淚沾臍蒼梧莫訴心煩冤柳伉疏
傳翰林重汲黯身在朝廷尊乃知法從有眞職非
徒簪筆稱璵璠替者宣宗治仁厚大臣敬禮如友
昆太傅廿年長揆席君臣一德情尤敦世家喬木
國所恃相門之慶鍾文孫神羊觸邪豈輕出鳴鳳
應律無凡喧梁洋不聞召陸贄保全終始先皇恩
方今天日正開霽朝局奠定無翳昏君居九列更

忼慨白簡上殿多危言近代卿寺例養望觥觥風
力孤飛騫封草每出四海誦頗聞買絲繡平原澄
清斯世自君責願蓄光采培根源吳生僞寫真有
神致寒冬四座回春溫侍中風貌玉界尺可知峯
距侔崑崙自惟歷落笑桓茂更揣骨相愁虞翻麒麟
閣上速起稿犢轅轅畫我歸邱樊

周允臣員外

文俞

除夕治屠蘇閣中相款

惆悵風塵老此身劇來東閣吐車茵鑪熏翠管尊
前事燭影紅簾勝裏人客感惺忪千里夢歲華約
略一年春天涯此夕闌珊宴異日相思定愴神

歲盡日寄德夫二首

四載烽煙泣楚囚隻身天地更何求交游自替貽

親累貧賤無能爲國謀趙壹疾邪空有賦孝標辨
命竟誰尤一年又盡歸何日早晚鄉關雪涕收
一擲貂裘醉百壺元龍豪氣困窮途不將科第容
風漢頗避朝廷罵豎儒哀樂過人知老至干戈滿
地尙飢驅祭詩頑健年年共誰問高陽舊酒徒

孟冬十三日九月朔日舍弟書報山寓平安

喜書來之速賦四十字

書來稱得地日月自山中有意寬游子惟言守固

窮徵兵聞頡利時借英吉利兵將至紀歲尙咸豐經月郵筒

達殷勤謝雁鴻

擬古樂府四首 有序

樂府之作誼取比興爲變風變雅之支流

餘裔時有今古情無遷轉貴取其意而易
其趣襲其格而變其辭明代李王描摹景
嚮笑齒已冷而世之爲新樂府者競構巧
語流爲俳諧又變而失其宗予窮居京師
辛王之歲朝廷多故間有所感雜拈四章
辭或涉于憤世悵不離乎愛君言者無罪
聞者足戒後之覽者善逆其志當不與種
桃之詠秦婦之吟等類同譏爾

雞鳴歌

海雲瞳瞳紫皇醒結璘流華當戶炯可憐長夜酣
歌入壑谷沈沈半酩酊主人意氣豪且麤華燈四
照紅氍毹玉驄列炬迎名姝坐客數十飄長裾中

有一人雄髭鬚高談豪飲傾玉壺清商雜奏笙筑
竽主人富貴賓歡娛賓極歡主大醉起酌三台星
爲賓作十賚小兒入坐居文昌大兒千乘諸侯王
羣兒相貴不可當酒百巡燭數跋雞鳴一聲童失
色童走告主人主人醉怒嗔坐客履舄交逡循鐘
停漏歇天下白主人駢首入請室可憐坐客誰最
親日望金雞采竿立

枯魚過河泣

枯魚過河泣何時悔復及

二句原辭

借問爾魚生何方

滇池黑水何汪洋
泚泚小鮎產鱖魴
荷花三百里
遊戲樂未央

一解

魚潑刺兮飛上天
揚鬣水擊能三

千蓬瀛一躍花滿川
液池清藻浮澄鮮
天子賜顏

色鮫鱣與周旋

解二

浙西浙東一千里環以三江五

湖水魚去十洲往游宛忽潛忽見帝心喜

解三

雷轟

雷馳江海昏潢池鼃黽翻乾坤魚化爲鵬復爲鯤

大江左右魚吐吞鼃黽以外惟魚尊

解四

揚鱗五彩

磨雪牙扈從千百鰈鱣鯊旁人不識魚疑是龍與

蛇鼃黽斗起揚塵沙宛轉奔迸魚不如鰕

解五

忽然

網張魚就繫市人沽酒看魚磔刀砧在前魚啜泣

語魚不須泣江耶浙耶盡涸竭咄爾枯魚悔何及

解六

烏夜啼

脰脰膊膊烏羣飛御史府中列柏棲朝來匿景瘳
夜啼一烏啼向曙羣烏問何怒云昨有黃雀飛鳴

公車署黃雀萬里穿蒿蓬銜花直達明光宮主人
覩花感雀意金鈴繫雀穿花叢烏言百鳥自成列
鳳凰不能私雀秩祇聞鳩隼居上林不許鷦鷯傍
堂密黃雀一心惟報恩飲啄風露甘邱樊忽遭彈
射誰敢冤由來反舌憎人言

君馬黃

君馬黃青絲絡頭生輝光君馬白錦障連錢驕玉
埒汗血不必求胡中鑄式不煩召良工尋常牧廢
取不盡牽來皆號驟與龍今日貢六馬明日獻八
駿圉人太僕悉充物繁纓蹠蹠備承黃服驂纔出
躡道旁吁嗟歎沙復歎玉效駕不及驢與羊老驥
低頭淚如雨孫陽滿前不汝覩薦賢各已受賞歸

且斲枯蘄狎堯豎

元旦後一日雨水書示周生文令

以下癸亥

春來頓覺硯久舒歲事從頭計有餘半榻茶烟下
帷後一窗鐙影受經初儘教門第誇行馬可使人
才欠讀書著作起家應不遠上車還問禮何如

恩竹樵

恩錫

被命以按察使赴山東軍營兼

攝鹽運使索詩爲別贈以長歌一章

深宮側席憂蒼生首述遺詔延耆英中朝衆正盡
布列更求牧帥資東征君家勛伐世衛霍文武才
兼厲鋒鏑早歷中外結主知特畀巖疆著盤錯淮
西淮北妖烽橫出持憲節驅欃槍上馬殺賊下露
布賦詩直搗鍾離城兵驕餉盡獨楮柱瀝誠告天

扣天鼓吾道由來薄謫宜聖心終念從征苦

君前以皖

臬總糧臺上疏忤旨降三級調用

解鞍暫獵終南山龍髯一去無

由攀嗣皇徇齊兩宮聖顧瞻河縣焦心顏嗚呼山
左戰爭地控扼中原作藩蔽尤來大槍千萬屯霸
上棘門止兒戲軍書夜報甘泉宮廷推頗牧謀僉
同制下九天促君起頓覺沆岱生清風東海魚鹽
國所利單車兼攝轉運使鞅掌猶當未老時馳驅
還是先皇意回首西曹出守年三齊棠蔭已連天
君先以刑部郎歷守沂州濟南喬卿此去檐帷異郭伋重來婦孺
傳我聞治捻異治賊聚爲揭竿散耕墾先剿後撫
編其豪指顧澄清在朝夕開府閭公今夷吾君相
驪靳芟萑符明湖千頃碧如玉柳營對映歌投壺

傾都供帳渭橋出濁酒一尊馬前別旌旗獵獵東
作聲北斗觚棱起春色山東李白狂酒徒不得君
王文二父索米長安還自歎看人系贊紫光圖

正月二十六日官軍合西洋兵自甯波收復
紹興旋得家書山居如故追感親族死義
之衆及包邨之變雜賦三首

朝聞捷奏至東兵收鄉國賊悍頗善守兩年僅乃
克誰何太西夷敵愾助討賊官軍廣招募隊伍各
異色紀律雖未明所至能逐北夷酋尤銳進中礮
兩僵踣佛蘭酋勒伯勒東攻昌安門礮炸死達耳
第福攻西郭門中火槍死皆照總兵賜卹
唐用回紇兵何曾得死力豈非國威靈驅策到西
極鄉岷盡傳餉遂使賊氣墨一夕啓門遁餘種悉

誅殛頗聞城中貲盡爲彼酋得大帥營信安江嶺
阻崎仄未遑圖東顧且怒用夷亟彼心弗可知况
可爲我德持重誠老謀安危固難測

我家山曲處賊中猶王人及今克郡邑始傳消息
真宗族佐團練忼慨多致身死者十四輩或未勝
冠巾東鄰狂秀才勇烈尤無倫賊至不甯避云當
成我仁持挺與賊鬥嚼齒都穿齧攢刺死不仆雙
眸猶怒瞋

族父生員肇丙與賊力門死時年六十餘

下至婦女輩臨危

志逾振拒戶趨烈燄禮服沈洪齋

族兄星止婦沈氏衣品服投河

死族妹金李氏闔扉死於火尤慘烈

此皆國家澤教養所由臻亦緣

先世訓節義能勉循死不辱吾祖聞之氣爲伸獨
念并命苦涕淚還沾茵

江東節概士山水氣所聚君子人六千其風蓋已
古自遘青犢警屢聞義旗舉彈丸包家邨谿深嶺
盤阻一夫奮臂評響合遂成旅取石爲發機縛籬
當堅隄賊來齊出盪擾矜雜樵斧所當輒披靡袒
裼氣如虎廂團至相屬主客十萬戶悍賊更迭攻
僵仆不可數渠帥矜指麾猝獲飲強羽血流斷澗
壑填谷半楔猶相持幾經年力竭困喝暑礮火天
晝昏焦爛尙掌炬臨命無一逃骸齒照林莽賊顧
相歎咋此眞忠義侶我來自奧西未值此強禦東
越大有人甌閩且緩取今當大滅賊白骨定不腐
想見深山中英靈走風雨舉事雖不成南疆藉楮
柱吁嗟倡義起乃出一田父視彼九列尊豈直同

冀士

夕陽時看海棠得兩絕句

忽忽年光淺醉中
清明過了尙多風
鮪窗罷繡寒初覺
添得疏簾一額紅

燕飛庭院晝初長
淺絳籠烟欲斷腸
恰有丁香花似雪
粉牆低處襯斜陽

潘星齋丈爲繪柯巖消暑便面賦兩絕句爲謝

綠陰清晝罨柯巖
四壁泉聲入夏寒
十載長風林下客
池塘今日夢中看

晝裏居然起草堂
瓜疇墨法孕香光
他年桐帽清谿側
長采金英寄侍郎

送壽玉谿孝廉祝堯出宰粵西

碧玉青羅桂海邊，驂鸞萬里勝登仙。雲深賀嶺啼

猿路木落灘江斷，雁天荔子歸期慈母札。玉谿家寓廣東

梅花眷屬令君船，陸家片石初心在。早辦城南二

頃田

題家仲京比部

鎬

聽瀑眠松根圖三首

五字仲京

舊句

天台石畔記三生，昨夢分明畫國清。一路古松深

雪裏坐聽巖瀑裂冰聲。

甲寅戊午兩次病熱危甚俱夢至天台國清寺坐石

聽瀑聲而愈疑前生此寺僧也

蓆帽紅塵太可憐，一官賣盡故山田。空庭落木蕭蕭夜，麥顆風鑪聽煮泉。

吾宗花萼擅清才烟思居然五字推何日相期投

劾去駝峯頂上看濤來仲京家駝峯之前為三江海口予嘗賦駝峯觀濤歌

癸亥生日作是日立春入曹視事

生日逢春至高堂定慰情一官隋左戶隋始定左戶等二十

二曹郎中廿載魯諸生冗散初叨祿定制部曹學習諸員皆無俸惟戶部

給養廉銀鄉關漸息兵是日邸鈔報况逢元祚始術家謂明

上年交將母祝昇平

甲子正月十一日家慈六十壽辰同人過祝

留飲賦謝以下甲子

獻歲欣逢壽霞觴小后筵祝釐承友誼未老喜親

年遠道蘭堪采家山月漸圓春暉燈節麗舞綵碧

巖前舍弟書來將以是日稱觴於七星巖

喜聞官軍次第收復蘇州嘉興杭州常州二

首

兩浙軍聲齊大捷一時回首望南方山中草木知
春色江上旌旗耀日光逆賊天亡爭解體旅人淚
落計還鄉山東淮北俱清晏便擬三吳一水旂
使相行臺總百司專征開府半軍諮誰云南楚縱
橫壘不及臨淮節制師七聖默貽冲主業百年眞
見中興時江南天下膏腴地元氣艱難仗護持

銅雀伎

漁洋集中有此題戲補其意

總帳淒絃鄴水旁可憐宮裏已催妝五官死晚將
誰恨阿母從今不據牀

生小五絕句

生小江南玉樹花春明爭賭玉鴉叉摩訶池上年
前月一曲淋鈴記內家

子晉吹簫合是仙芳風壁月想華年簪花更愛眞
珠字多上吳綾白研箋

桃葉桃根總出羣賀家絃索廣場聞月明風細人
聲定誰問當年白練裙

鵲鵲新開乞巧樓棗花簾外月如鉤當筵掩扇生
疎意三載人間許散愁

櫻桃花落在天涯聽到吳儂倍憶家知否萬年橋
畔月滿船燈影試琵琶

首夏薄暮倚樹讀書遂爾成詠

韶景不可駐老樹初敷榮宿雨夜來過廣庭有餘

清羈人倦永晷讀書寡所營出戶仰喬柯碗碗斜
陽明埽地坐其下喜與新賞并緒風自何來眷此
絃歌聲暮禽亦已返交交相和鳴掩卷已忘得但
見芳草生取適匪在家幽懷暫爲盈應令千載下
想茲嘉譽情

午臥聞新蟬思故山作

綠陰靜當戶睡覺聞新蟬初似縑斷絲漸若調生
絃清風爲之引紆徐成孤妍微物孰爲感時至情
乃宣吾生何鬱鬱勞歌空悵悵語默不自主媿此
物理全羈耳倏已滿煩襟殊相煎景光豈能駐遣
病爲我年行將假羽翼歸去冀息肩潔清本素盟
山居多幽便及爾選嘉樹朝夕同芳鮮松窗足高

臥吟詩飲清泉時或扶老母倚杖柴門前卽事有
佳聽會當券斯篇

瓶中新插紅荷花數枝

江湖鄉夢落誰家簾幙通明日影斜柏子罷熏茶
未熟且敲高枕看荷花

贈沈曉湖孝廉

寶森

牢落邨居少往還天涯相見倍相憐懷中涕淚三
年刺亂後桑麻一頃田有弟持家能作苦爲親捧
檄定誰賢何時得就歸耕約壽勝山光共結廬

曉湖

家壽勝山去
柯山僅里許

雨夜戲效義山無題四首

畫簾疏雨隔微塵獨夜房櫳易愴神淡墨羅巾燈

畔字小風鈴佩夢中人難銷碧玉當年恨留得文
簫舊日貧除卻小數山下路天涯何處更尋春
潭水閒門倒影斜金鋪深掩玉窗紗驕驄日夕偏
知路乳燕春深未定家銀燭慣侵三五月銅壺低
隔一分花江湖側帽填詞客長與年年減鬢華
小別東風不自由香車油壁幾句留難忘玉手搴
簾笑誰遣蛾眉滿鏡愁鶯語畫屏人倚瑟蛛絲小
幔月當樓銀河有信誰相待瀉作瀟瀟暮雨秋
咫尺青鸞便斷聞漫書花葉寄朝雲燈前秋扇留
殘滴雨後春衫發故熏楊柳長爲牽恨物靡蕪新
著讖愁文多應終古沅湘水翠被蘭舟怨鄂君

兩生行贈德夫

陳生氣雄萬夫敵李生棱棱骨山立大鵬希有豈
再遇塵海湛冥渺人識今年花月天街開九門車
馬奔如雷兩生狂呼典裘出鐙毬樂仗嬉春來杜
秋能歌善財舞痛飲拍浮過三五回頭忽見槐花
黃努力窮經各閉戶人生不得行胸懷雞蟲得失
何有哉漢書一尺足溫卷時與德夫同治漢書何物免冊埋
浮埃金陵昨夜大奏捷十年鱷窟一朝得朝廷五
等廣行賞百司盡予轉階級兩生偁疑何所求非
吏非隱金門遊告身未得博一醉獨抱蒼生根本
憂

秋夜夢逝作

初涼就蘭夜病懷愜枕簟合衣遂成夢前塵忽在

眼芳魂趁雨至映燭故掩斂欲卽翻復離眞倒睡
中厭俗作覺猛醒心惛惛餘香鼻苒苒風葉點虛廊
隔簾數秋點

將進酒

將進酒客不言蒲桃滿醅白玉鮮明妝翠羽列四
筵所思不來心悄然琵琶錦槽停莫彈簾外琤琮
作風雨楚天環珮泣秋語蘭芷香近不可招主人
勸觴客勿舉華鐙皎皎月照堂羅襟淚落珍珠光
鸞扇回颺君在旁欲卽不卽心徬徨百年此頃胡
可常秋星落酒酒波綠門外驪駒早結束主人留
客客不回堂上卷簾滅殘燭

東飛伯勞歌

東飛伯勞西飛燕
蚊虻雌雄難可辨
美人娟娟隔暮雲
湘江秋水裁舞裙
陽臺一曲花繽紛
明珠百琲穿紅縷
快意傾家買君顧
願君玉顏暫時駐
雙雙鵲鵲填銀河
鴛鴦隊隊游錦波
人生會少離別多
伯勞飛燕柰爾何

喜平景蓀編修

步青

入直上書房

詞臣三載步螭頭
詔直經帷禮數優
花笺佩環通紫禁
風傳琴瑟在朱樓
詩書本分原無忝
衣食平生豈待求
卻笑青衫同學侶
華顛猶踞省門遊

景蓀

與予同補諸生

秋日雨窗遣懷

薄雨侵幽幌
欄陰窄地長
細商杯底語
愁見舞時

妝硯黛生微潤瓶花養宿香芷蘭秋不歇何日罷思量

有人自汴來追述亡友陳閒谷旅殂之況泣然賦此時閒谷妻子亦盡沒於賊矣

汴水蕭蕭送素旌故園回首痛巢傾百年零落清門業萬里淒涼旅鬼情可尙晨昏依老母祇慚風義負平生魯連王斗俱凋謝腸斷山陽笛裏聲自辛亥至乙卯五年中惟魯蓉生王孟調及閒谷過從最數孟調先逝蓉生亦死寇難矣

中秋月夜題試院壁

樓殿空明一鏡圓靈飛小謫地行仙羽衣八百俱年少誰記吳剛斫桂年

冬夜題曉湖因樹書屋詩集二首

松圓風格霽山思冰雪梅花絕代姿恰是夜窗寒
月上殘燈苦茗對君詩

彈鋏歌成客裏貧登樓頭白爲思親鄉園兄弟兼
師友淪落天涯得幾人

九月望日偕同官義州趙心泉主事鴻儀邀

黔西徐介亭郡丞皋嘉魚李爽階縣令士

璫宜昌王鼎丞孝廉定安飲天甯寺賞菊

聯騎城西出尋秋到上方林煙亂茶火塔影界花

光夷語紅羈酒是日有法蘭俄羅米利三國男女會飲山上吳歌紫鶻

裝天涯惜良會分策又斜陽

邊詞三首

聞說陽關外烽煙徧列城天山半輪月猶照漢家

營

急驛朝傳赦刀環望總休可憐蔥嶺水日夜向西流

絕漠三臨蹕犁庭兩出師至今伊列水長繞御書碑

日晡過梁家園

日落驅車過荒園尙姓梁夕光生積水秋意眷疎楊橋小人聲聚原空馬影長當年游宴地裙屐繼

漁洋

王漁洋有偕宋荔裳鄒訐士泛舟梁家園詩

月下聞歌二首

歸夢青山隱薜蘿天涯青淚月中多何當夜夜松林下腸斷桓郎一曲歌

白紵翻成子夜新玳筵銀甲又經旬分明笛裏玲瓏月照到瓊枝軟舞人

以菊花數枝寄德夫

湖海元龍氣已銷年年失意鬱輪袍不須痛飲稱名士紅燭黃花對楚騷

送李爽階進士出宰天台

天台之山天下奇高切霄漢橫地維生偏海東不得地不然五岳焉能齊華頂千尋擢金闕萬古清暉凌日月青冥浩蕩開洞天視蓬萊特丘垤李侯十載長安居凌雲獻賦摩天衢一朝折翼下三島仙官特荷奎章除秋風握手五陵陌意氣相傾吐肝膈由來儒術在牧民豈爲長貧慰捧檄長安

酒樓十里遙玉缸萬斛銀蒲桃吳兒翦髮倚樓笑
明燈一曲星辰高黑笛紅氍過重九宿醉未醒忽
分手行裝半擔烟雲輕馬首雪花大如斗台於浙
右號瘠區荒城亂後人烟疎看君拊循起凋敝麥
苗春雨隨軒車神仙作吏赤城樂衙退讀書對巖
壑開簾琴筑亂飛泉時見瑤花印牀落我亦名山
契夙成國清舊夢記三生予未生時先大母倪太
恭人詣天台國清寺設
齋大施
衆僧明年奉母攜筇至同聽松間布指聲

燈下讀爾雅偶題三絕句

理學須從識字成學僮遺法在西京何當南戒栽
花暇細校蟲魚過一生

郭注邢箋總不刊近來邵郝更精殫漢文博士何

時復欲竝三家立學官

名物山居靜可擘光陰炳燭惜中年窮經更有陳

京約補勘毛詩與鄭箋

時與德夫約明春結伴南歸德夫欲治毛詩予謂非

先通雅詁不能治詩也

嚴寒入署戲詠二律示曹中諸君

小來粉署曳鳴珂負手茸裘祇自哦豈有朱儒因
粟飽亦知星宿笑人多森森都是槐楊未了了無
如令史何賣卻鑑湖真底事一官那得抵漁簑

畫諾虛勞問姓名綠莎廳少履綦聲低眉總覺輸
公等捉鼻深慚動宦情誰信清流爭此地絕憐款
段負平生貲郎豈是相如意多爲淩雲賦未成

夢歸故居得詩四句云清電龍堰出急雨虹

橋來微雨過西郭片月生下柴

俗作寨

上二

語是直河景下一語是橫河景也醒而足

成四絕

清電龍堰出急雨虹橋來蓬萊驛門下不見估帆

開

碑石何亭亭千百臨官路山高復水清風生女貞

樹

橫河一曲長釣橋相映帶時見出城人微茫度煙

靄

微雨過西郭片月生下柴遠見邨火生知在梅谿

外

下寨梅谿皆郭外小邨名

甲子臘八夜感書四首

六向天涯度臘辰年垂四十未歸身故園此際家
筵罷猶續松明待遠人

誦經閣上髮垂肩記得偏承大母憐據地繡襦膜
拜佛夢回二十二年前大母倪太恭人建絳柎閣奉觀音是日盛設齋供自

王寅冬大母見背不復舉是儀今二十二年矣

四處聲傳獨夜風年簫臘鼓太恩恩可憐無粥初
香際紅燭淒涼是客中

明月宵來特禁看屏除釅酒淚闌干閉門料理茸
衾穩將息鑪香過小寒是日小寒節

冬夜煎茶偶成一絕

瓦罐風鑪自在煎蕭蕭石火客中緣何時藤杖柯

山去獨向雲深理舊泉柯山祇門寺前有蝦蟆泉

偶閱放翁詩集中多及紅橋三山紅橋予舊
居三山又先疇所在也慨然有作

鑄錯貲郎柰若何渭南詩裏感懷多三山田野紅
橋宅換得春明一曲歌

德夫死八日矣哭之悲甚不能成詩今日聞
其出殯龍泉寺病不往送夜坐聽風悽然
賦四絕句

丹旄蕭蕭出近郊故人虞殯對僧寮荒蘆殘雪鐘
聲裏出世清涼第一宵

棲託蒼涼醉外天空山三歎罷朱弦無人更賞蕭
寥意掩戶聽風絕可憐

霜月街行挈短童談經夜夜與君同眼前別是人

間世燈影書塵似夢中

法界傳燈悟未成

德夫病前嘗以傳燈錄指月錄置案頭

迷家窮子

已三生上堂鐘鼓恩恩了一盞靈牀卽化城

祭竈日爲德夫賦招魂辭

天門蕩蕩迎竈皇東家西家祭黃羊爆竹千聲萬
聲起羈人淚落心徬徨年時君作金門客每聽此
聲動魂魄孤鐙兀兀羅酒榼推案淋漓起不食電
光石火不可停回首君馭風輪行今夕消搖在何
許地下還應無此聲霓爲旌兮雲爲馬顏倫蒙公
俠君駕排闥大叫巫陽奔司命偃僂伏轅下頤指
六女麾稚孫帝命導君還里門下瞰鐙火淮流昏
官舍雜沓陳瓦盆老父焚香婦鏡卜祝君早歸薦

春醕

君尊人時官淮中
鹽大使尙未聞耗

甲子除夕獨坐守歲追悼德夫

淚光燭影年年事
今夕悲君不復同
地下差無逋券到
前期回首酒杯空
去年是夕飲君齋中
生盆夜色千家雪
爆竹邊聲萬里風
等是窮途人鬼判
獨將孤憤叩蒼穹

越縵堂詩初集第七卷

南通馮

雄翰飛校

越縵堂詩初集第八卷

清 會稽 李慈銘 悉伯

白華絳拊閣詩辛 古今體八十八首

乙丑元旦作 以下乙丑

手撥冬鑪火回看歲又陳青編映新曉紅燭接初
春老漸難爲客貧猶可奉親三年叨亢食周禮注
謂留治文書若今尙書之屬諸直上者蓋漢時尙
書有散屬號亢官其給食無常例故謂之亢食

歸作太平民

人日游廠市歸悼德夫作

去年人日無酒錢從君借書仰屋眠今年人日貧
猶昔獨自題詩淚沾臍年年烟景開帝鄉黃壚吹
徧春風香孟公已化甕頭土從此人間無酒場洛

市偶然障方麴俊馬高車怒相逐眼底紛紛此輩
存撫棺誰向城南哭淩雲一笑安在哉江南千樹
梅花開夜夢邀君故山去對飲花前三百杯

人日寄曉湖

梅花人日草堂前久客逢春倍自憐尚有天涯兄
弟契幸過鄉里亂離年酒香畫鼓邨頭社燈影青
山客裏船爲語東風歸計準南湖烟月占君先

首春玉螭橋前書所見三首

翠翹珊絡錦貂裘車壁深深映綠油欲揭珠簾羞
舉腕爲君側面盡風流

長記秋波小注時御街難得馬蹄遲分明流水宮
前影消盡年光總不知

綠幘平頭綴馬旁
路人道是內家妝
多情一抹西
山黛來與釵邊補鬢光

商城相國屬爲侍郎承恩侯某題所藏慶文

恪公慶桂聽泉圖侯爲文恪女孫壻也

通侯家世聯貂蟬
金題玉躡羅雲煙
錦屏絲竹紛
滿前愛好乃獨圖
書偏脂田媵畫清
芬傳鈿匳百
具誰能先翳昔文
恪佐樞璇三世宰
輔才且賢承
平黼黻乾隆年優
游退食娛林泉
瑤華繪事追熙
筌圖爲宗室瑤華
主人宏昨所作清
流竹石都便娟披
圖示我情
悠然恍如身入清
涼天鳥啼花落空
庭鮮高齋春
晝調琴絃瓶笙百
鬻茶鐺煎屋上琮
琤落飛湍耳
根寒玉鳴濺濺紅
塵軒冕相拘牽江
湖歸夢心徒

懸對此靜坐忘言詮題詩聊結丹青緣

花朝夜飲聽沈秋歌懷德夫兼示其弟邁夫

縣令鵬

煥風明月趁今朝旅節傳杯不自憀曲檻花光添
酒豔小窗燈影向人嬌交遊已歎無陳重歌舞何
能遣沈翹又是窮涂同作達人間地下可憐宵

見新柳感賦

三月燕臺楊柳新風前珍重舊腰身天涯淪落傷
春客獨自攀條憶故人

過德夫梁家園故寓

腹痛驅車地談經隔夜臺蓬蒿餘涕淚風日異徘徊
造物終何意斯人萃百哀梁家園畔路春色爲

誰來

乙丑送春絕句四首

寂寂鈿囊黯縷塵玉衾扶睡已經旬果驢酒榼花

之寺誰照紅妝賦餞春

近期同人花之寺賞海棠以事不果

豔絕春江花月篇一灰堆裏定誰憐典衣買醉恩

恩甚鼓子花開了七年

予以己未入都近已乞長假將歸矣

東閣無因翫物華虛聞海上酌流霞滿城桃李都

他屬閑殺中州宰相家

是年商城應得主文以廷議事迺改黃縣

蓬萊雲色起參差天上風光未易知莫道層城春

似海碧桃花發不多時

五月初八日出都門作二首

溫風拂拂起刀環攬轡依然寂寞還豈有聲名驚

日下祇期身世老田間入貲司馬仍歸蜀棄傳終
軍又出關差喜白雲思漸慰一鞭萬里指吳山

夕陽還望鳳城闔天際觚棱獨愴神尙荷朝廷容
宥吏暫將名字託詩人七年南北難回首百劫滄
桑感此身行李平安眠食穩問持何事答君親

夜宿楊邨雨中聞歌二首

荒邨柳外夜鷗啼壞壁塵昏覓舊題一例淒涼燈
畔雨可能還到鳳城西

戍櫓三更作意催邨歌斷續爲誰來泥牆野店瀟
瀟裏獨自銷魂第一回

天津雨夜夢德夫

旅店燈昏對短檠故人相見似平生同歸竟負當

年約後死徒傷獨夜情千里魂來淮戍黑五更夢
斷海潮驚聯床聽雨前期在腸斷空堦點滴聲

出大沽口感事追弔故帥僧忠親王二首

七二丁沽勢宛延千秋渤解靖風煙由來碣石稱
天險誰遣神州不自全苑牧趣侵回紇馬商胡翻
恃島夷船可憐好片金湯地忍語崦嵫築館年
萬里風生舶艣開茫茫極目事堪哀可知廢壘三
年戍曾得賢王百戰來草木已生盤馬埒風雲猶
護涼鷹臺匈奴未滅精靈在夜半波濤走怒雷

梅雨中至申江三首

春申城畔卸征帆夢裏朱樓路尙諳烟樹濛濛吹
笛路又隨梅雨到江南

盧橘含桃取次遲

盧橘實非此
杷今借用之

年來鄉味不禁思

鵲鳩聲裏絲絲雨正是楊梅上市時

茗芋情懷黯淡中熏衣生怕熟梅風分明襟上離

人淚併向今朝發酒紅

閏端陽節滬上遇王敷廷縣令

觀光

邀同鍾

慎齋孝廉

觀豫

飲夷場酒樓復同聽汪翠

娘歌

鯉魚風裏泊茸城寥落相逢幾弟兄醺醪又傾重

五節琵琶初試第三聲

翠娘琵琶稱
吳中第三手

香依鏡檻夷

花豔音接茶鐺海唄生誰分他鄉今日醉紅樓江

上不勝情

晚泊嘉定黃竇鎮看月

一抹江南月相看倍有情
邨深燈火出橋斷野烟生
亂柳穿螢影叢蘆起蛤聲
清輝知不厭多謝照歸程

舟入青浦界始見湖水縠紋碧鮮喜而有作
七載客都下所乏惟清泉一泓偶如玉愛好忘餐
眠及今泛遼海曼衍浴百川浩蕩固云足色相初
未專朝來入青浦始絕黃流緣御湖匯茲地澄波
生遠天塵眯頓爲洗綠照雙瞳鮮灼然媚行客導
與輕舟先悠悠態能悟涓涓聲或傳儼若相勞苦
問答無與宣微雨一以至縠紋散衆妍魚柴點磯
星菱塍界渚烟遙見菰蒲根時泊顚驚船水物漸
可數遂覺淵理全寄謝紅塵客寶此碧嬋娟

雨中過秀州晚泊石門聞歌二首

夏水生時雨不收秧田瀰瀰歇耕牛

時越中大水
浸入浙西

綠楊漸長居人少一路蟬聲過秀州

自別秦青斷酒尊黃昏擷笛倍銷魂可知今夜三
千里細雨孤帆宿石門

進杭州北關見湖上諸山

百戰臨安劫後塵湖山都換舊時身多情只有黃
妃塔猶自含煙待遠人

武林喜遇孫蓮士自端州歸作長歌贈之

滿天梅雨江水平林擒落枝鷓鴣鳴我自北歸子
南返相遇各在臨安城七載別離慘無色重趼星
霜異鄉國吹篴乞食不復聞萬里相望等悽咽憐

君故是碧眼孫平生意氣凌昆崙彈文一落俯對
簿夢中局縮排天門黃巾百萬下吳會礮雨屍林
晝爲晦艸間躡迹探妻孥夜遁賊營托獠喙端谿
瘴水蒸蠻雲魑魅白日嬉人羣荔支如火得飽啖
吐詞織徧花桶裙卽今滄海漸填塞幕府征南大
平賊努力生還都有時握手相看頓非昔君鬚鬢
鬢頗欲髯我亦羸瘦凋朱顏相逢忼慨無慰藉歷
劫不死非衰孱兵火之後乏元氣漆室私談急調
劑志業豈爲飢寒輕和平差免鬼神忌越人新召
陽侯災海水高過無諸臺薄田一頃盡鼃窟遑能
衣食營蒿萊造物此中當有意共君早定千秋計
敢謂吾道恃此身須識文章本餘技王郎早死孫

郎衰

謂孟調子九

帳中人物空徘徊安得青山一弓田

白雲相約著書來

渡錢唐江二首

江身如帶一舟杭近指西興便解裝七載亂離人
九死居然今日渡錢唐

千巖突兀墮襟前劫後蛾眉尙自閒卻憶黃塵京
輦下馬頭遮扇看西山

到家作四首

久旅日思歸歸來異門戶阿母出門看嘈雜亂鄰
語幼弟長過我將迎入衡宇不遑敘亂離且問道
途苦兩地叢百驚萬幸得一聚故人適過慰歡忻

具雞黍

是日鍾慎齋弟適過訪

對食忽歎悵胡爲此堂前先人五畝宅守之三百
年及我不克保宗祏隨飛烟憶昔別家日門庭幾
流連局我讀書樓插架多奇編周廊數巡繞花樹
垂便娟回頭語諸弟不久當行旋幸爲勤埽除長
此安誦弦豈意賊烽酷閭里無一廛世德示撲陋
歷劫猶弗延嗟彼新秦里華閥常連阡

姻戚喜我歸聞聲各來至問我去七年所得果何
事俯首不能答此實慚厚地儒冠非誤人變計就
貲吏躬耕豈不好乃覲分外利交遊一不慎失足
爲親累浮華思躁進出處昧名義瀆西屋不守池
陽田盡棄鬼域幻百方生還幾難遂自反亦多讐
虛僞狎非類鍵戶昔抱經此出豈初意

賃居在山曲漲水浮階前門外何漁河波浪生平
田聞昨五月晦夜雨決百川城郭僅半露危橋上
行船廬冢大穿壞漂棺亂榱椽家家宿屋脊百里
無吹烟越人何不弔兵火仍凶年艱苦存子黎浩
劫重滔天彼蒼豈不仁民俗誠多愆此理亦難信
人豈無愚賢白華在何許失業徒自憐

夏日破曉自西興渡錢唐江

纔歸行復出破曉問江津海日明龕赭山烟接富
春牛車涼浸水秧擔綠隨人時越人俱買稻秧于浙西歸補種之滿
目流民畫勞勞歎此身予此行以振災免賦事乞中丞奏請爲鄉人所扼終
不見從

初秋夜還柯山邨寓四首

月落湖塘邨人問鴛央渡靜聽柔艣聲搖入湖心去

森森五洋水

柯山第五橋外大湖土人評曰大洋亦曰五洋漁舟就烟宿

人語時弗聞草際蟲聲續

纔經第五橋已聞普照鐘歸邨不識路惟指柯西峯

豆棚坐新涼田家飯牛畢柴扉半已關行人何時歇

秋霽微陰獨行出邨橋循野田度鑑湖第五橋至朝陽寺而回

積雨得秋霽出門娛清暉微步出邨口憺與山水歸麗矚遠愈曜溼翠近漸微平橋若爲設暫此收

烟霏新漲已及岸田禾交風漪循畦相宛延徑欲
投巖扉古寺始何代日崦行人稀緣流寄客與目
極孤禽飛自維苦勞役還山罕所期及歸復多事
心賞輒我違趣洽理斯愜庶幾達者希

微雨中過湖塘二首

久客歸來認舊湖青山無恙繞邨廬稻花大放菱
蓬綠一幅閒居奉母圖

越人評菱之
根葉曰菱蓬

西跨湖橋雨到時

偏門外有跨湖
橋故此以西名

四山烟景碧參

差白雲忽過青林出一角斜陽賀監祠

中秋夜同人泛舟至梅山寺對月設飲聽琵琶

琵琶

泥金畫舸載桃根璧月團欒滿寺門榻畔茶香依

翠鬢燭邊山影落清尊泉圍曲几花都亞露冷燒
槽玉自溫容易百年逢此夕青天碧海總消魂

雨中寺樓聽度曲

瀟瀟歌不歇茶熟更香殘雨意催絃潤泉聲繞指
寒秋花依翠磴薄蘚上紅闌鬢影禪牀畔楞嚴自
在看

題徹凡上人遺集後

并序

小雲棲凡公與予爲方外之友所著募梅
精舍詩集予爲序之以行己未予入都凡
公賦三絕句送別有云談元客去茅菴冷
窗外梅花共此心予皆和其均又別有寄
懷長句未及寫寄而越亂作凡公遂怛化

去今歸重閱其集後有續刻數篇予所未
見者也窮子還家化人度世靈徹斷金英
之采已公無茅屋之留覩此遺文追尋昔
契燒豬煮筍流連緇俗之間調水買山商
略烟霞之表松枝捉塵雒尾提鑪凡舉勝
緣相期歸老而劫塵未滅慧業先成遠公
含笑於盧循道安償債於苻氏桃花入度
桑下坐忘篇偈猶新風流永絕問茶毗之
塔竹徑烟蕪繡珠林之藏經樓雲嬾凡公舊藏
有宋刻法苑珠林一部其祖師正香和尚
手校爲周氏兄弟強纂去凡公常惋恨之
嬾雲樓已香誦經處木叉幾墜蠟印虛傳擬怨別于
惠休異吐呪之羅什旃林火後黯黯定雲

梅子圓時明明愛月爰題長句以釋恹情
佛火蒲團世外身講臺合眼了前塵到門鐘磬誰
相款繞塔梅花尙自春別後詩篇多憶我歸來俯
仰獨傷神祇應夢裏王文度重見平生竺道人

慰高次封太守

貢齡山東利津人乙巳進士
由戶部郎出守紹興時與予

俱被
讒

廿年郎署繫華纓出守清風振八城我似張溫太
分別君如成瑨少逢迎由來道義多招謗豈有循
良易近名仲寶莫嗟鄉誼惡浮雲何礙鏡湖清

寄馬穀山中丞

新貽

早擁旌旗江上營黑頭開府是專征獨持鎮靜調
元氣未免周旋狎老兵閉戶自知劉勝節薦賢虛

累呂安名

謂呂定子編修時在幕府越士夫之不肖者以公傾倒鄙人遂并謗公及定子

焉

白雲蒼狗何須問談笑能教萬里清

贈梅山寺僧隱松

四圍金粟證聲聞瓶鉢歸來補衲勤
簾外松聲傳水唄佛前燈影過山雲
長貧誰借卑田院多難新參淨土文
喫飯打鐘吾願了經樓一榻肯相分

陳珊士樞自京至杭其子渡江來告賦此以

當大招

以下戊辰

西風斜日牽江船故人桐棺來自燕
素旆飄蕭記官職道旁見者皆潸然
君生與我齊年齒孤童掇科取祿仕
三十頭白由苦貧四十爲郎竟長已
前年我歸哭周侯

雪颶比部

去年孫楚歸山邱

蓮士太守

今年

又復慟君訃而我朱顏安得留元化推遷古難必
豪傑聖賢同一垤苦耗心血留文章難得黃金買
功業君今有婦能養姑兩兒解事能讀書小兒稚
女不索襦歸享貧賤無憂虞君幸返真遊太初脫
離羈紲周八陟沉復泉下多酒徒我今哭君何其
愚

王眉叔訓導

詒壽

曹文孺縣令

壽銘

寒夜偕

過臥龍山下寓廬小飲時予將楚游二君
賦詩爲別作此答之

霜風獵獵振橋木掩關蒼然古苔綠忽聞剝啄逃
颺颺故人偕來慰幽獨王君詩句無常倫天花吐
秀雲繽紛瓊章投贈屢索和欲分餘錦張吾軍曹

君相識廿年久少日才名絕儕偶世途偃蹇百不
營獨恥文章落人後眼中小兒紆紫朱上車亂點
金根書聞人談道輒大笑蜉蝣自詡衣裳殊越人
逐臭飲狂藥顛倒妍媸樹齷齪城闕桓東并一邱
鄉誼無如此間惡我今閱世多憂虞寸步輒寔千
崎嶇久無志願絜豪傑所苦生業艱樵漁陋巷打
頭一間屋亂書堆牀雨淋漓累病不死留衰頑空
山有鄰互歌哭臥龍寒翠烟際開卷簾明月銜山
來空庭草長爲君翦對燭何惜傾千榼酒酣太息
起言別賦詩爲我壯行色人生乞食無江湖出處
恩恩不堪說廣文冷官不識曹黃綬謁選金門高
飢驅四海各自邊百年它日思此宵燈殘僕睡送

君出城鼓統統啟歸楫遙聞清嘯霜天長山頂孤
亭起棲鵲

薛慰農觀察

時雨

秦澹如都轉

細業

招同楊

豫庭觀察

叔澤

許益齋郡丞

士奇

餞予錢

唐江李總戎舟中日晚醉入鳳山門作長
歌簡諸君

錢唐江水波接天江干蘆花飛滿船美人招我慰
羈寂出門一笑山便媚吳山忽斷越山出對此躊
躇動淒咽故鄉隔岸不得歸萬里依人此將別船
娘十五能畫蛾急進我酒爲我歌人生有酒且快
意起舞鸛鵒彈羅紗河東太守老強項淮海風流
錫山長宏農少年治會稽

豫庭曾署
越守數年

意氣照人何

颯爽三君與我嗜好咸平輿參軍能清談良朋佳
日共行樂窮涂難得一日兼虬髯大帥秉征纛官
舫峨峨大於屋指揮立部娛坐賓豔服新妝照川
陸箜篌羯鼓雜還前熊脂駝炙紛滿筵清歌益急
淚迸落醉倒不覺青山旋平生醉此經幾度滿目
江山頓非故十年俯仰洪濤中惟有病夫及枯樹
陽鳥 晚催酒巡暮烟慘淡橫江濱臥上簞輿入
城去回望西陵愁殺人

雪夜由沔口渡江入武昌

波聲洶湧朔風淒破帽輕舟欲渡疑燈火寒流分
夏汭角聲殘雪入沙羨

夷

一生作客難辭險千里

論交冑失期

予以與學使張孝達太史游漢水西來約故歲已垂盡來作楚游

我東至憑傳清淚滴江籬

送竈夕武昌書感

十載營微祿飄零感歲華倚閭今地下乞食又天涯
臘鼓江城急音書故國賒妻孥居未定司命醉
誰家

除夕寄諸弟

雪晴楚郭臘寒新爆竹聲中感病身骨肉無多誰
念遠鬢絲如此尙依人滔滔江漢尊前水漠漠鄉
國夢裏春同作鮮民孤作客天涯分過隔年貧

丙寅丁太恭人憂故兩年來無詩丁卯十二月
將遊楚邊渡江哭珊士樞中心悲悼不能已于
言除夕在武昌試院目賦此詩并補
已前五篇俱入之戊辰歲焉自記

戊辰立春日書感是日先母生日

四十平頭節三千里外人無家長作客有淚尙逢
春地下傳觴感天涯齧指辰百年誰上壽慟絕楚
江濱

春初登鄂州城訪黃鶴樓遺址憩呂仙閣望

夏口

翼際山東東滄浪四千里沔來入江沙羨斗起挂
其頷波濤萬古長春撞我生浙東屬江委溯江直
至夏水汜三旬偃臥官齋寒忽地登臨白雲起黃
鶴仙人不可求禰衡李白谿一邱江山俯仰百年
盡人生何地非浮漚何況烽烟莽城闕原野蒼黃
戰爭血中丞百戰荆榛開謂胡文忠公留與吾曹攬風
日隔江城郭多酒樓萬家隱隱春燈稠一聲玉笛

不知處大笑題詩在上頭

黃鶴山上謁胡文忠公祠

江山無恙騎鯨去
酹酒城頭起大風
一代功高諸鎮上
十年身瘁百憂中
帝思成算終平賊
我恨同時未識公
天不慙遺朝野歎
九原誰起兩文忠

謂林

侯官

發武昌明日渡沔登翼際山上晴川閣望鄂城寄張孝達編修

之洞

客游欲歸不可遏
一騎衝寒傍山出
長江雨急飛片帆
回首高城暮烟合
今朝日霽筋骨強
直呼筍躋渡漢陽峨
峨大別古翼際

大別山漢志言在六安之安豐縣爲今光

黃間地而漢口之山本名翼際水經注可證自元和郡縣志誤以此當大別而光黃間之山遂無可

致邵南江諸君曾辨之

上有傑閣凌空翔丹迴碧聳五雲矗

下接洪波轉坤軸帆檣如薺履底來萬里端倪界
吳蜀沅湘漢潯齊入江中流一髮相低昂朱闌突
兀倚天半幾人撫此悲滄桑博望槩在何處一
水盈盈隔東渡登高載酒無佳人獨立蒼茫不能
賦吾儕天意重合併况復身賤輕遠行魯山孤塔
斜陽落腸斷城中鼓角聲

夜過西塞山作

旅客倦水宿端行務搜奇蘄黃山水窟夜靜烟景
迷突兀見西塞壁立荒江湄月黑不辨色千仞蹲
熊羆其下結廬舍漁釣猶相依茅茨亦隱隱燈火
何參差楚竹千萬竿繞屋寒鴉棲婦子自相守舟

楫無遠移霜濃睡正熟日出江天遲豈知門前路
旅舶無停時嚴寒犯宵涉魂寢慘失怡元真不可
作三歎漁父祠

九江城外望匡廬山

長風送客尋陽城兀然高阜雲端呈青翠隱現不
可極但覺元氣包陰晴我生好游乏腰腳家居巖
壑多遺情時因乞食走萬里名山所過無留程數
淺原圍三百里東西脈絡此實并大江宛延走領
下氣勢直欲爭蓬瀛我今過此迫冬月正攝煙霧
韜菁英金光旼霄出天外斜陽背見雪色明香鑪
五老只髣髴耳際虛瀑猶懸聲惜哉距山僅一舍
籃輦無人舁我行白傳草堂遠公寺此間不可無

題名明年再過勿相失舉手遙揖匡君平

彭澤縣

小邑臨江涘山城四面連人家依竹樹雪色沍炊
煙廢壘沼邨戍輕帆下渚船媿他折腰爰下瀕尚
留田

小孤山

若有人兮江之濱翹鬟掠削迎遠人玻璃萬里啓
妝鏡娥眉一笑千年春亭亭瘦影俯寒玉翠黛拖
雲帶修竹烟波凝望無限情卻抱清暉耐幽獨乘
風誰訪江蓑家紅樓雪滿細梅花遙擲鞦山一鉤
月隨郎夢到長風沙

夜過皖城作

天涯倦鳥幾時還千里江城未得閒
瓶裏茶香秋浦水枕邊燈影皖公山
烽烟淮甸猶傳檄鼓角嚴城早掩關
爲想十年征戰苦至今猿鶴怨刀環

抵滬後薛慰農觀察亦至邀餞汪氏西樓賦
此奉別

客游不樂行路難儋囊覓路江風寒
江干忽報故人至一見直欲傾肺肝
申江十里泰西市紅樓高棟修連蜺
鈿車咽填動大地珠簾參差遮遠天
有時燈火動絃索新妝萬隊齊壓闌
游人目眩羈客醉朱霞綽約明星懸
君言此地可買醉斗酒不惜沽十千
廣寒處子白如玉

樓主人汪藥君名桂珠喜文辭

朱扉深

鎖梅花邊鬱金堂深喜獨坐時弄
翡翠几琉璃箋焚

香爲客注佳茗玉窗朝日生清妍一尊屬我宜強
醉天涯此去誰相憐醞藉慣與文士飲風塵不許
凡兒顛古來茵溷各有數人生何地能無賢西湖
長官起太息春夢忽忽回寒氈黃金已盡拂衣臥
坐使日月凋朱顏而我淪落更誰似江湖乞食經
十年蛾眉相對已愁絕不須哀怨彈鵲絃斜陽急
箭苦催別津頭打鼓將開船傾懷痛飲豈易得明
當萬里凌風湍百年意氣重知己何能變滅隨雲
烟桃花春水會相訪爲我更置輦腳筵

舟中見九華及銅陵諸山

太白一去千餘年青山江上常依然白雲萬劫過
不盡而我又泛樅陽船北風昨發滬江涘挂帆瞬

息一千里蠓磯牛渚行夢中江山黯寂鬼神喜晨
起已過蕪湖城荻港留雪交從橫銅陵萬峯駕濤
出船頭飛舞來相迎九華天半更秀奇烟光合離
不可究忽然蒼翠排雲開怒馬洪波更馳驟明鬟
千朶空際梳天風吹落青珊瑚倚舷俯水忽狂叫
令人下折寒芙蓉

晚泊北固山下看金焦兩山

蒜山小泊待江潮形勝南徐久寂寥東面晚霞西
面月夷船倚舵看金焦

夜歸寓季弟

惠銘

西郭老屋

又寄西頭宅誰分北舍租出原無善地歸亦是窮
途冷月閒門侵危樓老樹扶吾宗歌哭處終覺勝

江湖

王子獻孝廉

繼香

以詩見投賦此酬之并柬

其尊人杏泉訓導

英瀾

日精金鑄霜花開秋山照眼佳客來入座數人足
蔭蔽新詩百琲投瓊瑰我生局疎不稱意門巷絕
轍牀生落白項一羣競烏巢紇干凍雀常驚猜君
獨胡爲樂相就渥注謬欲師駑駘精神炯炯出寸
紙風塵一瞬空凡材坐使龍鍾一振竦石槃鑽木
窮相追方今大雅久凋喪彫飾窳朽充尊罍越中
小兒類狂譫打折瓦弔相嘻哈擗擗義山得半字
輒評屈宋當與儔濡須臣顏各自樹浮游冠服殊
堪哀日逐至倡作名士身名滅裂同飛埃得君英

絕起領袖震發聾聵鳴春雷我聞廣文善教子閨
門嚴肅如朝規詩書溫淑足家寶蘭玉羅列生庭
階就中僧彌尤秀出耆宿倒屣驚奇才素戰已報
淝水捷一上暫暴龍門懸盛年足儲國家用餘力
猶可凌鄒枚願君益務根本業六經三史道所該
自來眞儒貴質實千秋付託誰能儕金華先生種
桃李穀溪一擢行當迴歸看珠樹抱置郝定聞我
語軒雙眉爲羣拜紀亦佳事舍戎就渾資嘲詼城
西吾宗侂同閑常幸餘光照蒿萊海日清風近堪
接

君家近居西郭光相坊明時王德輝太宰第宅
縣廨坊中今尚有狀元學士兩宅遺趾餘皆歸

吾家壕流繞屋多古梅歲寒蠟屐會頻至鯉庭爲我

浮春醅

予時仍多寓臥
龍山下黃花菴

冬日至蕭山水西邨訪曹文孺縣令則已於

前月猝矣哭之三首

孤舟相訪水西邨
問訊倉黃搢淚痕
薄宦天涯從此了
平生交契幾人存
傷心舊業惟詩卷
回首經年隔酒尊
黃葉貧家山下路
數君行迹一銷魂

去冬

予將楚游君再來訪於龍山下寓廬且以詩送行

明經初戴進賢冠
捧檄遲衰蜀道難
祇有文章能損壽
須知祿命本無官
田拋下瀝紅顏
泣金盡長安白眼
看一事知君差自慰
故鄉歸死尙檀欒

君就

銓得四川改江蘇以病歸

亂後文壇共輓推
孫子眉九王叔幾輩讓清才
已支貧病經滄海
誰料交期促
夜臺落日回舟成悵惘荒

邨擊木獨裴回祇今流水寒雅裏應有吟魂識我
來

舟宿西郭外故居感賦六首

二百年坊里灰飛劫火餘先靈應戀此窮子竟迷
居市小人聲寂天寒柘影疏夢魂知更習隨意認
庭除

笙歌趨社日蝦菜上河時游釣平生樂滄桑此夕
思雞聲非故巷星影見荒祠何日菟裘築吾心白
水知

臨水篝燈閣當年此讀書行人猶指說吾事竟何
如治亂關天意行藏媿世儲昇平會重見來與結
樵漁

昔歲出門去高堂送我行倚閭千日淚負土百年情
化鶴歸何晚瞻烏止屢驚對牀風雨夕留取弟兄盟

野竹連喬木清時詠考槃城陰連下柴水色映工官地
以先芬重居猶陋巷難至今負暄空閒說舊衣冠

及我生何戚長年宿水涯書留焦土字藤發壞牆花
歌哭今誰寄江湖到是家把茅如可蓋負郭課桑麻

冬晚泊錢江寄懷宗人爽階時爲諸暨令二首

錢江東望樹冥冥仙令全家住玉屏清宴琴傳巖

洞月高齋燭散縣湖星郢中歌起懷親舍華頂雲
來識訟庭劉阮去思今減否使君春在浣谿亭

君由

天台移諸暨前赴台時賦詩有劉阮從今是部民之句

花姥山頭劫火餘家隄萬柳亦蕭疏屢聞明詔求
良吏莫謂循聲出簿書接壤桑麻今有託平生筇
屐事何如元卿丹室元章屋爲報春來貫筍輿

君前

招予游天台今更有五泄之約

曉湖歸自京師以書來告賦此柬之

歲寒報說故人回奉母南榮喜舉杯一第艱難謀
冷宦

君近以鹽大使改校官大

十年漂泊感清才田園亂後應

粗立書史塵封待重

直用切

開只惜君歸我將出還

期雪裏載詩來

時予服闋將入都

雪霽後寒甚自山後步經武勳橋謝公橋至

明呂文安故宅看水而回二首

積雪久噤戶偶出披茸裘寂寂門外路微有行迹
留斜陽在西嶺寒光沍烟浮疏林半明滅澹映巖
際樓凍見微徑窄素疊平橋修曲巷靜如畫彌覺
竹樹幽遠堞帶暝色叢祠俯寒流鑿冰各造飯橋
下人停舟

橋東枕大宅言是呂東閣樛木亦已荒

文安有樛木園邸

第久零落徒煩縣官祭子孫定誰侏黑頭昔參政
但畫一終諾憂歸竟不召卅載歎寂寞頗殫土木

功園亭恣揮霍優游享大年昇平極聲樂門前一

頃水微累袁江濁何如青霞川至今纓可濯

謂沈忠愍

居霞
川

雪後兩日泛舟出青田湖由魯墟至柯山游
七星巖夜宿沈瘦生家

出郭凌晴湖空明納篷席殘雪半在地依稀辨岸
澤皓然山四圍寒輝互迎射杳杳市里烟鱗鱗釣
人宅舍舟就柯巖澄瑩交水石凍潭隔魚游懸崖
知狄迹寒雲凝不歸夕照澹逾白予生耽幽遐藉
此試蠟屐山樓近可宿接奇恣餘隙晚色益微茫
月影爲界畫龕燈眩孤紅松枝點微碧清夢何寥
寥忍俊北窗夕

次日至壽勝山訪曉湖并晤其兩弟及楊雲
程上舍同坐門外小橋看竹林殘雪

JUN 5 - 2001

EAST ASIAN STUDIES

走總生言初集 卷八
看雪意未已沿谿入前山故人喜相見頓解風塵
顏未暇敘別悰邀行田園間竹下數間屋仰見羣
峯環老樹蔭門左下俯水一灣睠素各言悟延清
共相攀籬落已消半隱見蒼蘚斑橋小容列坐冥
對未知還難得此賓主悠然相與閒


日晚回舟出湖桑埭至三山看雪中晚霞

回舟溯湖埭日落含餘清積雪忽眩耀仰見紅霞
生三山濯鮮縞玉顏發微頰疊嶂色屢變脩厓光
若傾近攬洲渚豔遠帶邨落明樹薺亂暝烟橋虹
媚初晴散點漁罾采倒映霜鏡瑩凝寒富麗矚聊
以饜我情

越縵堂詩初集第八卷

南通馮

雄翰飛校



東坡先生集卷之四

五

卷之六

